

T3133/3314.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
NOV 4 1939

T 3133/3314.83

0001

永平府志

卷一

序

吾聞一代之盛衰之所主德澤之所被以及人物之興替守之之賢否能詳史冊之所未得詳使賢者觀感真起得以因地制宜因民善俗則皆於志是勅焉是志也固輔治之書也

壬辰仲秋菴欽承

翼命出守永平夙夜禔懼恐鯨一厥職所憂風俗工序美人民位樸加以年穀順成咸樂豐亨而緒

生絃歌誦讀彬々稱盛於以考
山川風土稽沿革興廢即今証昔
永神志披閱之然後嘆我

朝培養之久涵濡之深固已若斯
其極也舊志自康熙辛卯自郡
守張公重修後距今已六十餘年
矣且採取區擇亭連失接核
之古書固幸於文直事核之旨
矧六十餘年事蹟宜增入在凡哉
又向之其散而無考山長菊

莊王君江左績學士也清董其
事永舊志鑿為八門條目各以
類附凡區其訛刪其謬補其遺
已析其糾紛者既俱詳於例言
甫從彙付梓翰道仰荷

聖恩擢授松太監司未及詳加校正
而事其章程已定大局可成全賴
賢太守之克茲其事也嗚呼此
平自弘行風邈烽火蹂躪民生
不遂匪一也然也閱數千年

聖人出四海一而北平更近

盛京我

聖祖仁皇帝鑾輿屢經

皇上兩度

駐蹕

闔澤覃敷

湛恩汪濊

宸章用申

右文之化白叟黃童熙々皞々羣

陶鎔於禮樂詩書非徒安於耕

鑿而已吾故因舊志考古徵今

輯為宣錄俾茲斯土者承流

宣化庶使七邑士君子志疆域奠

安山川効靈賢材輩生風俗敦

一龐与夫孝義苦烈之不可殫紀

此皆齊生

聖人重熙累洽之時于以沐浴詠歌

不忘也其於治道詎無補哉此

余修志之意亦惟其余之職

也夫

直隸永平府知府加三級

古茲李奉翰謹序



舊序

古考列國必有史今之郡即古之國一郡之志即一國之
史永平為墨台氏故封昌黎先世橫渠後昆成在封內是
古聖賢之邦也自遼金元先後爭據載籍泯闕明興定都
於燕永為東輔郡遂爾文獻斌斌焉予來守永欲明習一
方事因取郡志披閱之宏治十四年郡張行人纂者簡而
該萬歷十九年閩郭文學修者博而賅刪繁補闕可為全
書遂集郡貢士及博士弟子員為之適豫章涂印元來登
碣石謁孤竹有子長風予愛其手註會旨刻之因商確郡
志涂子曰春秋詳內而畧外義精而體當若後世之書有

簡有博簡者闕博者繁闕則失義繁則傷體義失鮮史學
體傷乏史才此春秋之爲絕筆也予嘉其議而屬之涂子
筆則直心則虛出入張郭二書參取州縣諸乘而編摩筆
削之至政蹟行誼必於郡縉紳先生是徵自巳亥閏四月
迄秋八月而稿脫首圖者七爲卷者十爲綱者八爲目者
五十有七編年以著沿革列傳以敘事實備述以廣記睹
不闕而核不繁而賅於義無失於體無傷此志旣成永平
之疆域剗置政事文章風俗人物可以傳世不泯而後之
稱信史者必曰永志云萬歷巳亥河南按察司副使管永
平府事東齊徐準撰

周官詔觀事則有志詔地事則有圖厥典重哉北平負山
帶河雄稱四塞屹然京陵左馮翌其地筋重地重而典滋
重矣郡宏治辛酉有張志什一厘存越八十四禩爲萬歷
辛卯有郭志包舉容蓋之繁挾闡今昔之奧臚陳畛列若
開玉府而璜琥璋爛焉畢具第連類沈洋遠者歎浩汗
而難收近者苦極目而難竟俾畿左外史識者莫睹大全
雖元圃積玉無所用之嗟嗟載籍掛漏而不廣擴窮搜則
疎疎則前守責也載籍博括而不約取中窾則贅贅則今
守責也新城徐公憂之曰守責弗修是遽廬守也某曷敢
迺愍神揉思損舊益新且求海內多聞者得江右隱君涂

永平府志 卷之四
公國柱遂董其事志爲十卷圖七綱八目五十七天時地利并大故首象方建置政教肇自官師故政事職官次之地因人靈文章蔚焉故選舉人物藝苑又次之至備述祥異時務亦旁綜者所不廢也志成命不佞瑜敘簡端瑜觀其體裁合槩取舍中規允爲一方文獻焉夫徐公奮跡鄒魯以經術經世務章縫斐然嚮風且也四三年來海氛震鄰天灾虐野苦兵苦運苦賑公膏雨吾土酌泉不媿二清以故刑平政餼六屬赤子依之身爲志也凡諸廢置沿革不及行載筆而存之言爲志也身志言志且不煩彫章縵采豈好爲更張已邪不則龍門待嗣續而卒業眉山以雁

行而成書是役也搨札未逾歲含毫不數人驟而托於不朽者之林則志非難志志者之難也觀者因文識意并登志之所以不朽者何在卽繇茲而睹大全可也萬歷己亥兵科給事中前翰林院庶吉士郡人白瑜撰

郡有乘其昉于國史之遺乎永平偏壤屬孤竹故封古文物衣冠地也嗣以金元竊據幾百年所迨我明混一寰宇置關設衛爰稱雄鎮爲神京左協然障塞一垣瀕海百里許尤東北要劇之區不佞承乏於茲去城陷時未久睠其民生凋瘵里戶單虛賦役繁苛風俗偷薄竊有慨焉更以羽檄交馳卽荒垣三百餘里儘費拮据日奔走於疎烟斷

草之中猶不暇給無問勞勞郡治矣夫去故者新難圖憑
虛者實愈遠天下事不可以臆任昭昭也是故考時者證
變度地者覽勝觀風者驗治論世者定宗凡所轄之山川
井邑戶口土田人物食貨建置興除暨于城郭溝塗郵傳
甲兵民風吏治咸筆之書者所以述往古詔來茲得失之
林鑒戒係焉勿可後也宜直指韓公甫入境亟以郡志下
詢也郡故有志已已之變火爲梨災搜之者舊僅得原本
乃知經剗削者二而前劉公謀以繕之爲郡侯擢去不果
茲者關中李侯雅有同心博諮廣採補其闕遺分綱析目
于疆域物力屯社戎政則加詳焉累月告成屬予爲序夫

徐公熊公再序原本亦旣該矣余復何言惟是披覽之餘
繇今思昔不能無感於斯志也嗟嗟戶口昔登今耗賦役
昔簡今繁風俗昔厚今偷人才昔隆今替郡固偏壤乎然
而天下之盛衰一隅之積也一隅之盛衰天下之漸也盛
衰之數在天而致之誠在人考之則在書也書也者政之
所自出也後之君子蒞斯土讀斯志睹邊境則思握險控
御巡鑿壺橐之事徵人用則思愛養制節盈縮損益之宜
未病而調羹無逸策庶寒谷春生涸轍波迴有望乎不然
徒日紀故實備採風也殆匪爲志者之志矣崇正壬午整
飭永平等處監軍兵備道陸安姚恭撰

志修成兵亂
失稿未刊

元平府志 卷之四
四
燕京之郡有八而永平在薊之東北古云遼西卽其地也
負山帶河險固四塞昔曹公北伐烏桓出盧龍塞經白檀
登白狼望柳城殆所謂踞上游者歟其間分野灾祥山川
土田官師人物固彬彬乎三才具備也歷宋元明皆詳於
所志矣至我

清定鼎以來兵火旣更舊籍殘落余於康熙二年過故里
有韓生者以修志請余曰永平雖處偏隅亦一代文憲事
也遂捐資助之并命大叅宋君竣其事無何工未成而宋
君擢浙臬并攜板而南無何工未竟而宋君又以坐事罷
矣余曰事豈可以已哉復遣人往浙取板來京師仍發永

平冀續纂其集迄數年竟無有起而參考者余每爲之三
歎曰永平雖蕞爾郡而置險設兵控扼西北屹然一巨鎮
矣地靈起而人傑輩出冠帶烏履之盛蓋殷殷焉豈千百
年以來至今日而可失其傳乎庚戌冬適有楊生來謁因
道前修志事余曰是予之初志也乃思永平郡丞羅君者
余門人也卽郵札致之命董理其工謂斯集之成藉以不
朽者君之力也而羅君踴躍從事不數月而厥功告成矣
夫古者千乘之國與附庸之邦皆有史官以掌記時事第
不過君卿大夫言動之一端而所謂分野灾祥山川土田
官師人物之類意別有圖籍以主之今志則無不燦列矣

是故古史之失在畧而今志之得在詳也後之採風者覽其遺文而一代典章名物之盛不既犁然具備也哉余故喜而爲之序康熙庚戌總督淮揚等處地方提督漕運海防軍務兼理糧餉兵部尙書兼都察院左副都御史蔡士英撰

古郡國皆有風採之輜軒以徵土俗皆有乘紀之太史以傳人物班孟堅易八書爲十志志之名肇此焉劉子芝述書十品而郡書地理居二郡書詳於人地理詳於境後世兼而載之善哉邱文莊之有言也世有千載不刊之書無百年不葺之志蓋志兼史以行者也大則疆域建置賦役

風謠小則灾祥品秩往蹟遺徽非旁綜廣攬則湮佚靡該非慎核精搜則名實易謬江文通所謂修史之難無過於志况官師之增改戶口之繁減令甲政教之損益月易而歲不同不及時補綴曷詔後來歟北平馮翌重鎮清聖故封之地爲神京左輔郡乘罹亂久失前守彭公求觀察宋公修輯原稿爰以壽鏡迄今又十鑽新火矣其間鑿輿雲罕之朝

陵蒐獵

駐蹕巖疆龍驤分守之建置營房徼巡固圉皆未記于前冊猶爲急務不佞自丙辰之冬來守此土閱歲政通人和

年無裨敗簿書稍暇於是咨詢紳掖改稽邑乘博不厭精約不傷刻數月而告成帙以副文宗允托之盛心俾後賢披覽此志景慕勝舉因之興繕備敗課士育材用繼不佞尊聖娛神崇文毓秀之苦心陽山灤水其式憑之康熙己未中憲大夫直隸永平府知府三韓常文魁撰

經不欲詳史不欲簡兼之者志也夏書所載禹八年治水九州作貢之文不滿百行夫子修春秋皆經國大訓人有微而不名事有小而不紀以是知經之不欲詳也且夫子敘書斷自堯舜而太史公作史記則遠述軒皇歐陽文忠尚論五代之際雖滑稽小說有所不遺以是知史之不欲

簡也然則志何以兼之昔明人作一統志詳書風俗政事而畧於文章意者其有得於此乎永平志自萊陽宋觀察刊定以來終今五十餘年未經修輯采風者憂之方今主上勵精圖治省耕省斂之使不絕於路閔蝗閔雨之詔頻下於庭又嘗

命館閣之臣錄子史之精華輯皇輿之表鑑以備

乙夜之覽恭惟

天子大聖一日萬幾且猶孜孜汲汲考鏡古今以求通天下之情如此其至也然則有天下者憂天下有官守者憂官守亦固其所予承乏永平五年於此矣上之不能修明

教化襄贊太平之治次之不能親歷田間問民疾苦宣
上德意下之有司一掌故之書亦復殘闕不舉庸非官守
之戾歟緣積退食餘工考前事之得失刺民間之利弊稽
於官謀於野諮諏於士大夫家凡所謂五十年來未經補
綴者悉書于策苟完一郡之章程留俟職方之采取蓋放
乎史之意而不欲簡也然不敢誇多而鬪靡也有若孟姜
哭城湘子遺影飛將軍射石之類事涉不經無關吏治或
存而弗辨或削而不書夫亦遵乎經之旨而不欲詳也其
節孝之事蹟獨加詳者以意在勵民可垂世範也吾因之
且有感矣士生斯世徂於科舉之習爭爲無用之文一切

經世之學廢而不講一旦得志於有司見用於

皇家寄之一官而授之以政匪執滯而不達則迂濶而難
行王荆公有言經術所以經世務予嘗推其意而廣之曰
經世之道存乎經用世之鑒存乎史通世之情存乎志志
也者爲政之先資也蓋可以忽乎哉明初有岢嵐學正山
陰教諭二人給由至京師孝陵召問民間事皆對不知孝
陵怒曰宋儒胡瑗爲湖州教授其訓諸生兼以時務聖賢
之道所以濟世也民情不知則所教何事由此觀之古之
爲人臣者雖居清閒冷落猶以民事爲已任否則人主亦
將加之以罪史臣書之以爲後戒而况其號爲長民者哉

是志之成也學博徐香胡仁濟實相與討論之宜著其勤
爲來者勸康熙辛卯大中大夫直隸永平府知府東越張
朝琮撰

歷代修志姓氏

明宏治辛酉郡守江都吳公傑訪搆舊志殘缺舛訛乃屬
致仕行人張廷綱廣文吳祺率諸生修輯府志

萬歷辛卯副使歸善葉公夢熊聘舊門下生閩人郭造
卿修府志時郡守山左陳公維城與郡司理烏城沈
公之唵同爲修輯

萬歷己亥郡守新城徐公準屬豫章隱君涂國柱修輯
府志

崇正壬午郡守三原李公在公因郡志遭己巳火災復
廣採補輯志成又值兵亂失稿未刊

國朝順治戊戌觀察副使萊陽宋公琬撰輯府志二十三
卷郡守宜興路公遴叅校後遼陽彭公士聖訂梓

康熙戊申郡丞壽州梁公泰來屬山海衛教授錢裕國
修輯

康熙庚戌漕運總督郡人蔡公士英屬郡丞會稽羅公
京董理刊刻府志

康熙己未郡守三韓常公文魁屬郡紳汪淑問管聲揚
孫如林貢士韓鼎業翟鳳翥及楊生新鼎修補府志

康熙庚寅郡守蕭山張公朝琮委府學訓導徐香盧龍
縣學教諭胡仁濟續修府志

新修永平府志職名

總裁

特署永平府知府今陞江南松太道李奉翰 香林奉天正藍旗人監生

特授永平府知府顧學潮 小韓江南元和縣人副貢

總修

敬勝書院山長候選知縣王金英 菊莊江南江寧縣人壬午舉人

分修

永平府學教授王家幹 蓮溪順天昌平州人丙戌進士

盧龍縣學教諭丁廷輔 遠亭順天大興縣人已卯舉人

昌黎縣學訓導郭鉉俊 茗仙順天大興縣人庚午舉人

監

生蔡瓶福 夢堂奉天正白旗人

叅訂

灤州知州今陞定州直隸州知州孔傳瀛 翰青山東曲阜縣人廩貢

灤州知州王述曾 希沂貴州貴陽縣人附貢

盧龍縣知縣胡淳 彬如貴州修文縣人辛酉舉人

遷安縣知縣今陞蔚州知州靳榮藩 萊溪山西黎城縣人戊辰進士

遷安縣知縣今陞陝西寧羌州知州熊道階 屆堂湖南巴陵縣人壬申進士

遷安縣知縣喬鍾吳 鷗村江南上海縣人癸未進士

撫寧縣知縣陳鍾琛 紫岱廣西臨桂縣人巳卯舉人

撫寧縣知縣張若瀛 春堂安徽桐城縣人監生

昌黎縣知縣單燾 梅嶼山東高密縣人庚辰舉人

樂亭縣知縣趙大經 春澗山東德州人戊子舉人

臨榆縣知縣陶淑 韋齋江西南城縣人丁丑進士

校錄 臨榆縣知縣祁標 屏山浙江山陰縣人

廩膳 生衛理元 灤州人

廩膳 生宋文蔚 樂亭人

廩膳 生李美 盧龍人

增廣 生孫廷玉 撫寧人

附 生沈永邁 臨榆人

恩賚沛如雨露

宸章昭於日星敬謹備錄冠之卷首其原志首冊世紀一卷改爲紀事附於封域志之後

一原志沿革概錄前史地理志如漢則直抄漢書北平遼西兩郡所屬縣漫不分別何縣爲今府地茲詳考更變之由務在切實著明其星野災祥原志徵引亦多泛溢如日蝕星變第以纏度在箕尾遂聯篇書之於義無當茲採其有關斯地者否則刪之

一原志山川牽涉成片觀者茫然今某山某水各爲一條其道里遠近名號更易皆詳加考訂不致牽混

一原志風俗多載鄙事我

國家誕敷文教百數十載邊徼之民靡不蒸蒸向化革薄從忠今謹按時事訂正勿涉褒譏

一物產向多泛列今只載地之特出者或他郡同有而此地更廣者餘悉從畧其見諸史冊者姑附以備考

一原志邊防軍衛多沿明季志書之舊按之時勢迥不相侔我

朝中外一家衆志成城管制較減於昔時守禦更嚴於邊地茲就現在者載入期於簡明便覽也

一原志有大寧考一卷蓋本郭建初之舊謂大寧無考當

附載於永平之志然往古之事既難盡存徼外之形亦難周嘗今摘其大要附於建置之末

一賦役志依賦役全書及乾隆三十五六年奏銷冊參核載入其經費之已裁者則刪之而以鹽法附於後若永平之漕運非惟今所不行卽欲存其說而河道變遷亦難執以相繩故不另立條目而敘其畧於海防之後

一學校志以 闕里文獻考爲本備載祀典及一切制度以資博覽而書院義學所以匡輔庠序故並著於篇

一古之列爵建官其治國一也而南北朝以下封爵則以空名繫之並不實治其地然名亦不可廢今仍原編而

列於官師志之首以備參閱

一選舉志原志頗有訛錯如金之任詢史云易州平市人明之朱明時則題名碑並無此名今據史傳及題名碑詳加訂正舉貢以下則從縣志及縣冊所報至灤州志明代有制貢諸人按明史無制貢之名而灤州所載有一年數人者細推其故蓋以納貢而美其稱也故原府志俱不收入今仍從之其以納貢出仕者列入職員

一原志后妃一條載燕之段氏遼之蕭氏牽涉無謂而

石恪妃傳援引夢異報應之說頗涉不經并刪之

一永平人物以夷齊二聖爲尙已韓文公生於河南其封

昌黎伯則以族望而封之且唐以前之昌黎非今之昌黎縣昔人辨之已詳然自前明立廟設祀居然此邦之彥矣至於程普則史云北平土垠人屈遵昌黎徒河人韓麒麟昌黎棘城人竇瑗遼西遼陽人原志亦多列入未免借材之誚卽李光弼之營州柳城亦非今郡地如此類者一概從刪惟史只云遼西人不言何邑者則姑闕疑

一人物如正史有傳者從原傳錄入其正史無者採之原志及各縣志要必有可傳事實若語涉通套及僅敘官階者則從省其名宦傳去取亦倣此

一閨閣幽貞最爲可憫故節烈一門獨詳庶孤芳不至泯滅其在前代者仍依原志編次凡

本朝諸人則以已旌者居前未旌者居後而未旌之中又先其已故者次其現存者

一藝文志以文體分類再以朝代分先後原志中無關緊要及文義尋常者刪之其前賢文集與時人著作有可採者則補輯之至各傳已編入人物故藝文志內不更收傳文以免重複

江寧王金英澹人氏謹識

新修永平府志目錄

卷之首

序 舊序 纂修姓氏 凡例 目錄 繪圖

巡幸恩賚

天章

卷之一

封域志

星野

沿革

疆界

形勝

山川上

卷之二

封域志

山川下

屯社

卷之三

封域志 祥異 風俗 物產 紀事

卷之四

建置志 城池 衙署 橋梁 倉貯 惠政 舖遞 墩撥 營制 邊防 海防 驛站

卷之五

建置志 壇廟祠宇 寺觀 樓臺亭閣 邱墓

卷之六

建置志 古蹟考 附載

卷之七

賦役志 戶口 人丁 田賦 經費 起運 鹽法

卷之八

學校志 學宮 歷代崇祀 廟祀位次 釋奠禮樂 陳設圖 學額 學田 書院義學

卷之九

官師志 古封爵 歷代職官 明文階 明武階 明軍衛

卷之十

官師志 國朝文階

卷之十一

官師志 國朝武秩 國朝駐防 裁缺各官

卷之十二

官師志 名宦傳

卷之十三

選舉志 薦辟 進士 舉人 貢生上

卷之十四

選舉志 貢生下 武進士 武舉 職員 武職 封贈 蔭襲 鄉飲

卷之十五

人物志 列傳上

卷之十六

人物志 列傳中

卷之十七

人物志 列傳下 文苑 武功

卷之十八

人物志 忠烈 季義 隱逸 流寓 方伎 仙釋

卷之十九

人物志 節烈上

卷之二十

人物志 節烈下

卷之二十一

藝文志 制誥 奏疏 狀 頌 碑記

卷之二十二

藝文志 記序 論議 辨說 疏 碑銘 墓誌銘 文

卷之二十三

藝文志 銘 騷 賦 歷朝詩

卷之二十四

藝文志 國朝詩 詞 詞餘


卷之末

雜記

跋

元平府

陣陣地圖



撫寧縣輿地圖

永平府志

卷之首

五



昌黎縣輿地圖

東五峯

西五峯

龍潭

仙人頂

傷石

水岩寺

三官廟

湘子影

雪峯寺

兩家店

張家庄

裴家堡

蒲河

縣治

惠民場

赤洋海口

飲馬河

七里海

赤崖堡

莫各庄堡


石各庄堡

養裡堡

靜安堡

蛤泊堡

十里舖



灤州輿地圖




天正... 卷之...

七

臨榆縣輿地圖





永平府志卷之首

巡幸恩賚

順治元年秋九月

世祖章皇帝入關經永平

駐蹕城外撫安各州縣

賞賚文武官有差

十一年以永平饑

遣吏部左侍郎佟代大理寺卿郝傑齎銀布賑之

十五年夏五月

遣刑部尚書白引謙啟心郎巴格賑永平貧民

康熙六年秋九月丁巳

聖祖仁皇帝幸遷安

駐蹕城南謝留莊戊午由清節祠

駐蹕灤河西巳未

駐蹕灤州南巖山庚申

駐蹕錢家營辛酉

回

鑾

七年

詔發帑金遣官修邊城 賑永平饑民

八年夏六月

詔追歸本年所圈民房民地永行停止

九年冬十月

聖祖幸三屯

駐蹕東寨文武官朝見

命武臣自副將以下較射

賜宴次日

幸永平

駕由北門入自西門出至

御營

駐蹕于灤河之西

十年秋九月

聖祖東幸謁

陵

駐蹕於灤河之西登舟觀漁 冬十月乙巳謁

陵回由北門入自西門出仍

駐蹕於灤河之西次日回

鑾 十一月

詔免灤盧遷撫地丁錢糧

二十一年奉

恩詔蠲免地丁錢糧

二十四年樂亭縣水災

詔免未完民欠銀米草束

二十五年

詔免未完民欠錢糧

二十六年

詔免地丁錢糧

二十七年

詔賞八十九十百歲老人銀米絹肉有差

二十八年冬十月

聖祖送

孝懿仁皇后梓宮至

陵幸米峪口狩于九山

二十九年

詔免錢糧之半

三十年冬十二月

聖祖駕幸米峪口狩于九山

駐蹕七日獲虎五隻

詔改九山爲五虎山

三十二年冬十一月

聖祖謁

陵幸米峪口狩于五虎山

三十三年

詔免地丁錢糧 冬十一月

駕幸米峪口狩于五虎山

三十五年

詔免地丁錢糧

三十六年冬十月

駕幸米峪口狩于五虎山

三十七年冬十一月

聖祖東幸謁

陵回進山海關道經永平北門

駐蹕於灤河之西次日

幸米峪口狩于五虎山

三十八年冬十一月

聖祖謁

陵幸米峪口狩于五虎山

皇太子奉天謁

陵回進山海關道經永平觀漁於偏涼汀

三十九年冬十一月

駕幸米峪口狩于五虎山

四十年冬十二月

駕幸米峪口狩于五虎山

四十二年

詔賞八十九十百歲老人銀米緝肉有差

四十三年春二月

駕幸米峪口狩于五虎山

四十四年冬十一月

駕幸米峪口狩于五虎山

四十五年冬十一月

駕幸米峪口狩于五虎山出喜峯口

四十八年

詔賞八十九十百歲老人銀米絹肉有差 冬十一月
駕幸米峪口狩于五虎山

四十九年冬十月甲子奉

恩旨全免康熙五十年地丁錢糧并歷年民間舊欠 十一
月大雪嚴寒

駕幸米峪口出董家口

五十年十一月

上東巡二十四日

駐蹕三屯營二十五日次灤陽城二十六日

駕出喜峯口

駐蹕夢子嶺

詔免地丁錢糧并積年民欠

五十二年

詔免地租并積年民欠

五十四年

詔免地丁銀米豆穀草束

五十六年

詔免地丁錢糧

雍正元年

詔賞老人米布有差

七年

詔免地丁錢糧

八年

詔免地丁錢糧

九年

詔免地丁錢糧

十三年

詔賞老婦米布有差

乾隆四年

恩詔蠲免錢糧

八年十月十六日

皇上自盛京旋蹕入榆關登澄海樓與侍從諸大臣聯

句賦詩道經永平郡城

幸清節廟經過

御道蠲免錢糧十分之三

十年欽奉

恩詔普蠲地丁錢糧

十五年

永平府志

卷之四

巡幸恩賚

永平府志 卷之首
詔免未完民欠銀米草束賞老婦有差 賑樂亭災

十六年

詔賞老人銀米絹肉有差 賑饑蠲糧

十九年秋由吉林至 盛京謁

陵旋蹕十月二日入關登澄海樓與侍從大臣聯句賦詩經

永平

幸夷齊廟及偏涼汀經過

御道蠲免錢糧十分之三

二十六年

詔賞老人絹綿米肉有差

二十七年灤州水

詔賑饑民二十二萬三千餘口共米九千五百三十四石

零銀二萬一千六百二十五兩九錢零

三十五年

恩詔普蠲地丁錢糧

天章

聖祖仁皇帝御製文

訓飭士子文

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務令風教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者先立品行次及文學學術事功原委有序爾諸生勿聞庭訓長列宮牆朝夕誦讀寧無

講究必也躬修實踐砥礪廉隅敦孝順以事親秉忠貞以
立志窮經考業勿雜荒誕之談取友親師悉化僞盈之氣
文章歸於醇雅毋事浮華軌度式於規繩最防蕩軼子矜
佻達自昔所譏苟行止有虧雖讀書何益若夫宅心弗淑
行已多愆或蜚語流言脅制官長或隱糧包訟出入公門
或唆撥姦猾欺孤凌弱或招呼朋類結社邀盟乃如之人
名教不容鄉黨弗齒縱倖脫褫扑濫竊章縫返之於衷寧
無媿乎况乎鄉會科名乃掄才大典關係尤鉅士子果有
真才實學何患困不逢年顧乃標榜虛名暗通聲氣夤緣
詭遇罔顧身家又或改竄鄉貫希圖進取囂凌騰沸網利

營私種種弊端深可痛恨且夫士子出身之始尤貴以正
若茲厥初拜獻便已作奸犯科則異時敗檢踰閑何所不
至又安望其秉公持正爲國家宣猷樹績膺後先疏附之
選哉朕用嘉惠爾等故不禁反復惓惓茲訓言頒到爾等
務共體朕心恪遵明訓一切痛加改省爭自濯磨積行勤
學以圖上進國家三年登造束帛弓旌不特爾身有榮卽
爾祖父亦增光寵矣逢時得志寧俟他求哉若仍視爲具
文玩愒弗儆毀方躍冶暴棄自甘則是爾等冥頑無知終
不能率教也旣負栽培復干咎戾王章具在朕亦不能爲
爾等寬矣自茲以往內而國學外而直省鄉校凡學臣師

長皆有司鐸之責者并宜傳集諸生多方董勸以副朕懷
否則職業弗修咎亦難追勿謂朕言之不預也爾多士尙
敬聽之哉

雜著一則

山海關澄海樓舊所謂關城堡也直峙海澨城根皆以鐵
釜爲基過其下者覆釜歷歷在目不知其幾千萬也京口
之鐵甕城徒虛語耳考之志冊僅載關城爲明洪武年所
建而基址未詳築於何時蓋城臨海衝濤水激射非木石
所能久固昔人巧出此想較之鎔鐵屑炭更爲奇矣

聖祖仁皇帝御製詩

登景忠山

景忠遠上日方闌巖壑層層生早寒嶺腹凍雲凝玉仗山
中瑞氣接仙鑾鳴鐘澗裏經聲近擊鼓樓前樹影殘繚繞
旌旗縈石道六龍行處萬民觀

灤河

寒邊遠繞至灤河澈底清明不見波駐蹕徘徊千萬里石
鯨兩岸影嵯峨

入喜峯口

一道鳴鑾度三驅振旅還莓苔天半石松栝雨中山險設

關門壯時清埃火間

孝陵佳氣近縹緲翠微間

夷齊廟

并序

永平府治西古孤竹城夷齊廟在焉灤水經其前清風
臺峙其後倚巖俯流足以登眺夫夷齊孤竹君之二子
也能讓侯封不食周粟採薇首陽山獨行其志孟子以
聖之清稱之蓋人惟能立節自可垂名夷齊之去國潔
身不求人知而廟貌千古迄今猶存吁造詣其可忽乎
哉

灤河水清駛荒山屹然峙上有孤竹城亂石半傾圯堂廡
既具觀廟貌亦儼爾緬懷商代末天下漸披靡茲地實藩
封人民差可恃兄弟以義讓富貴如敝屣叩馬諫周王數
語昭青史遯跡首陽山薇蕨何其美萬載挹高風頑懦聞
之起蒼蒼臺下松湯湯臺前水勁節與澄流不媿相比擬
停鑾碧山阿懷古未能已

灤水泛舟

平沙漠漠接長河天際浮雲落照多兩岸蒼山相竦峙扁
舟一櫂任清波

經永平城南

三代幽偏地秦時右北平川原綿大陸形勝借堅城晴日

初迎輦春風暗拂旌龍山遙入目縹緲白雲橫

撫寧

輦路平鋪孤嶼東日華升處海雲紅忽聽百舌春啼巧盡
在蒼條古木中

山海關 并序

連山據海地固金湯明時倚為險要設重鎮以守之我
朝定鼎燕京垂四十年關門不閉既非設險還慚恃德
偶賦數言聊以記事

重關稱第一扼險倚雄邊地勢長城接天空滄海連戍歌
終歲苦插羽不時傳作鎮隆三輔征輸困百年笳寒龍塞

月甲冷雉樓烟歷數歸皇極綱維秉化權漫勞嚴鎖鑰空
自結山川在德誠非易臨風更慨然

蒙恬所築長城

萬里經營到海涯紛紛調發逐浮誇當時用盡生民力天
下何曾屬爾家

姜女祠

朝朝海上望夫還留得荒祠半仞山多少征人埋白骨獨
將大節說紅顏

入山海關

長城盡處海山奇守險無勞百萬師寰宇蒼生歸歷數當

年指顧定鴻基

永平駐蹕

颯颯風聲響畫旗灤河東岸獵歸時廟堂幾務親裁決非
是行幃寐獨遲

御製詩

乾隆八年及乾隆十九年作

山海關恭依

皇祖聖祖仁皇帝元韻

取豫嚴扃鑰思蒙拓海邊耕桑三輔接形勝兩京連羽衛
初冬度期門曉漏傳

橋山瞻此日

龍步想當年列巘餘晴雪遙林散曙烟迎眸渾似畫撫序正

為權事異九封谷心期舟濟川拳拳思在德

大訓更昭然

在德誠非易臨風更慨然皇祖詩句也

姜女祠

山海關外數里姜女祠在焉祠前土邱爲姜女墳望夫石在其側俗傳姜女爲杞梁妻始皇時因哭其夫而崩長城今山西潞安直隸古北口並此處皆有姜女祠攷杞梁之事見於左傳孟子非始皇時人可知卽列女傳載有崩城之說亦無長城實據也然其節義有可尙者故題以詩並識其梗概焉

淒風禿樹吼斜陽尙作悲聲吊國殤千古無心誇節義一身有死爲綱常由來此日稱姜女盡道當年哭杞梁長見秉燹公懿好訛傳是處也何妨

登澄海樓望海作

輾轉金軒展祀旋偶臨傑閣眺齋滌漫言此後難爲水試望當前不辨天秦帝關存終失鹿漢皇舟阻未成仙擬激坎部留吟句只恐雕龍讓廣川

再題澄海樓壁

我有一勺水瀉爲東滄溟無今亦無古不減亦不盈臆雪難爲白秋旻差共青百川歸茹納習坎惟心亨却笑祖龍癡鞭石求蓬瀛誰能忘天倪與汝共濯清

澄海樓聯句

乾隆八年十月十六日自盛京歲事還京道入榆關登澄海樓望雪霽千峯波明萬頃天容海色洵屬奇觀時

張照梁詩正侍從因與聯句凡字畫涉水部者概不用
仿歐陽咏雪禁體也

御製康回昔憑怒使地東南傾太始本無始

常盈是不盈雙丸出其裏元氣鼓爲營島嶼藐拳石

臣張照

御製軒樓敞繡裳龍蔥疑貝闕髣髴見瑤京鞭石橋終斷

噓烟市乍更星槎何處轉鼇柱若爲擎邈矣端倪豁

臣梁詩正

御製雄哉氣象崢禹功思四載秦業剩孤城萬壑朝宗此

織珠茹納并由來無寸土亘古只空明直上到天險

臣張照

御製橫陳據地振目迷光晶皓耳駭聲砰轟精衛填難盡

長虹駕可成三壺遠縈帶重舉銷飛鯨賦羨木華博

臣梁詩正

御製吟推玉局英平鋪歷劫雪喜遇初冬晴望嘆曾聞若

來遊誰逐蜻內光含煜煜陰火涼熒熒絕域隨風達

臣張照

御製方諸應月呈坎重不失信天一乃居貞比樂韶觀止

如山聖景行空傳香象蹈謬執窄蠡評有以謙能受

臣梁詩正

御製 虛將白白生苞乾恢度量吐日煥晶瑩永奠寰區晏仙

鄉底問程

乾隆十有九年秋由吉林至盛京恭謁

三陵禮成旋蹕以孟冬二日入關再登澄海樓距癸亥前遊

周一紀矣星霜亟易風景猶新爰續舉成例命汪由
敦劉綸用禁體聯疊前韻既暢登臨並誌歲月云

御製 坤載既盤礴坎德靡虧傾脉屬天地氣

量應朝夕盈朱垠暨閩廣朔野奄幽營再巡臨碣石

臣汪
由敦

御製 重登俯雕甍梁適侍子舍張騫返仙京壁詩猶好在

屋籌凡幾更螺丸大塊點肩負岑樓擎霞標傍檻盡

臣劉
綸

御製 雪嶠羅牕崢東叟尋蓬嶼巨蜃吹層城霧露不辭受

壑谷容來并雲錦織迴紫玉繩接通明陽侯逞陵軼

臣汪
由敦

御製 嶽祗恣礎振斫陣萬馬駭突圍千牛轟禁體續前例

罰期嚴後成巍毫蘸勺蠡牯餌投長鯨志怪蹟誰覈

臣劉
綸

御製 求真才豈英一杯納日月億劫噓陰晴底事稱白鷺

奚從欵紅蜻爰居享鞞鞞鮫室眩煌熒藏積凡書列

臣汪由敦

御製鉅最韓碑呈何無復何有曰虛亦曰貞赤石靈運進

綠綺成連行遠航越裳候奇賚賈胡評隱娥歸墟守

臣劉綸

御製颶母舶趕生珊瑚周其趾蠙珠燦厥瑩壯觀向空廓郵

籤慢促程

夷齊廟

盧龍孤竹城夷齊廟在焉史稱夷齊恥食周粟餓死首陽詩云采苓采苓首陽之巔疏謂在河南蒲坂而莊子則曰首陽山在岐山西北曹大家云在隴西元和郡國

志謂首陽山在河南偃師說文又謂在遼西則是首陽凡五各有証據而其為夷齊餓死之處則一也將孰之從惟遼史所載營州隣海軍下刺史本商孤竹國今之盧龍即遼營州地也爾雅所舉孤竹北戶注謂孤竹在北周時幅員不廣其以此處為極北固宜然則說文所謂首陽山在遼西者此為近之殆以詩在唐風而叩馬而諫當武王伐紂之時由是岐隴蒲偃皆附會其說耳夫夷齊清風在天下何處非首陽豈爭疆域乎冕旒而墨胎以祀者尤非其志因係以詩而考其說如此軒冕泥塗是本腸肯容儒雅污冠裳薇苓依舊西山岵頽

秀平府志 卷之首
懦羞登夫子堂只爲心慙蹤異武敢將口實罪歸湯豈爭
隴右還蒲左天下清風盡首陽

渡灤河

清蹕轉辰旂霜華畫罕浮初冬廻帝里千古此灤州攬景
目難給題詩興輒留偏涼汀畔水待我再憑流

題望夫石

姜女祠前有石名曰望夫或云卽姜女墓事雖不經而
有關風化故咏之

執役當時爲護邊隕城堅節孟姜傳牧兒遺火咸陽燎片
石嬴他磨海田

山海關仍恭依

皇祖原韻

長塞滄瀛倚雄關碣石邊抱環四城接

南北二翼城東西二羅城皆洪武時

徐達建

延亘萬峯連兩度鑿輿歷千秋

聖製傳小陽仍問景弱水不論年禾稼納場圃人家富井烟

撫茲偃武會敢忘詰戎權戰蹟餘平野

關內平野卽破人流賊十萬衆處

情譬涉川

丹陵廻望遠攬轡意拳然

再登澄海樓疊前韻題壁

拾級登岑樓復此俯巨溟寒暑幻冬夏日月浴虧盈界嶼

光並耀際天色同青最鉅斯絕類守信故永亨蹄泐易致
洞注茲恒爲瀛涇渭誠小哉徒分濁與清

過撫寧縣

驪城埤堦枕深河翠罕金根此重過瞥眼昔時復今日慰
心歲美更人和短長驛路郵籤數宛轉遙山畫幃羅應是
士民奉清蹕未教聒耳聽絃歌

兔耳峯

兔耳峯頭常罩雲見誌書果然玉筍轟氤氲初冬喜見朝墜
蔚便望濂濂六出紛

夷齊廟

得聖之清孰與齊首山途便此憑躋爲傳公信及公達底
較遼西復隴西宋代何須錫圭冕伊人本自視塗泥史遷
慨羨青雲士未識浮名本稗稊

夷齊廟四景

孤竹城

令支讓國先去聲延陵孤竹誰知中子名太白一篇真卓識
淮南尺布獨何情

揖遜堂

堂名揖遜是誰題回跖評量語不稽遷也亦知天道否千
秋尸祝屬夷齊

屈蟠松

清風臺畔屈蟠松偃折盤盤翠越濃高詠西山采薇句果然無礙後凋逢

清風臺

灤水迴環曲抱洲崇臺百尺枕清流喬松古籟拂衣落快與前賢共唱酌

遊偏涼汀作

灤州境內兩奇勝夷齊廟及偏涼汀肅謁清聖挹古貌高臺臨碧爲延停輦輿向南三十里橫山秀色蔚岌羲笑指面前灤水云急流先我來何駛蘭椒石磴登寅緣峯容波

態相澄鮮遙思六月松下坐謾謾濤泛涼來偏好景多屬化人國文殊問道維摩默摩挲往蹟辨金明壁上有詩僧

不識倚巖飛閣坐憑流昔年遊興一晌酌舊作有偏涼汀畔水待我再憑

流之化民成俗今然不初心自問多增憂

永平府志卷之一

封域志一

朱子謂在地之位一定不易然屢經沿革則地是而名已非矣永平府在漢為右北平遼西兩郡地然兩郡所統三十縣今府廣袤不過十二三耳舊志成據前史歷數之於義無當今推原其更變之由因上徵乎星宿災祥下考乎山川物產中及乎風俗盛衰皆必求其確鑿而無取乎冗繁庶按冊而稽者雖千里之外如在目前矧渤海之間為兩戒所總會拱衛神京實為要地顧可言之而失實耶作封域志

哈佛大學漢和圖書館珍藏印

分野

周禮保章氏以星土辨九州之地所封之域皆有分星

以觀祆祥註星土星所主土也

周禮註析木燕也

周禮疏引春秋緯文耀鉤云冀州屬樞星

周禮總義析木燕之分星幽州之星土也

春秋元命苞尾散為幽州分為燕國

春秋說題辭箕尾為燕

爾雅析木謂之津箕斗之間漢津也

註箕龍尾斗南斗天漢之津梁疏云天河在箕斗二星之間箕在東方木位斗在北方木位分析木木隔河須津梁以渡故謂此次為析木之

津

史記天官書箕尾幽州

正義云尾箕燕之分野為幽州

漢書天文志壬燕趙亥燕代

漢書律歷志箕尾為析木

劉向云幽燕箕尾之分

漢書地理志燕地尾箕分野也東有漁陽右北平遼西

遼東自危四度至斗六度謂之析木之次燕之分也

危當作尾以字形而誤

晉書天文志自尾十度至南斗十一度為析木於辰在

寅燕之分野屬幽州

費直周易析木起尾九度蔡邕月令章句析木起尾四度至斗

六漁陽入尾三度右北平入尾七度遼西東入尾十

度又辰星曰北方冬水主燕趙

隋書地理志

與晉書天文志同

唐書天文志析木為雲漢末派山河極焉故其分野自北河末派窮北紀之曲東北負海為析木負海者以其雲漢之陰也 又曰尾箕析木津也初尾七度餘二千七百五十秒二十一少中箕五度終南斗八度自渤海九河之北得漢河間涿郡廣陽及上谷漁陽右北平遼西遼東樂浪元菟古北燕孤竹無終之國尾得雲漢之末派龜魚麗焉當九河之下流濱於渤海皆北紀之所窮

宋史天文志北斗七星五曰玉衡為音主土其分為燕

第八曰弼星在第七星右不見漢志主幽州 又曰

天市垣東蕃十一星三曰燕十六國十六宿在牛女

南近九坎各分土居列國之象楚南一星曰燕陶隱居曰

燕一星在楚南

遼史地理志野旅寅為析木之津

國語解曰野謂星野旅謂躔次寅者辰舍

東方之位

元史歷志太陽黃道尾三度九十七分七十二秒外入

燕分析木之次辰在寅

明史天文志尾三度至斗二度析木之次也永平府尾

分灤州尾箕分

淮南鴻烈天文訓亥燕又甲戌燕也

星經辰星主幽州

帝王世紀自尾十度至斗七度百三十五分而終曰析木之次於辰在寅謂之攝提格於律爲應鐘斗建在亥今燕分野

明一統志永平府天文尾分野

地理通釋九州十二域或繫之北斗或繫之二十八宿或繫之五星冀主樞此繫之北斗者也析木燕此繫之二十八宿者也辰星主趙代此繫之五星者也

山堂索考尾箕星曰析木宮曰人馬時曰寅州曰幽

河間府志考疑唐法象志以兩戒分山河以斗爲綱以雲漢爲紀箕尾爲地紀之窮居天之良而箕列天漢有津梁之義亦曰天津下達於地以太華與終南爲地絡渤海爲絡尾渤海負海居地之寅亦處津洳故上應天津而占箕尾也

大清一統志永平府禹貢冀州之域尾分野

沿革

永平府唐爲冀州之域虞分冀州碣石以東接青州之北爲營州夏仍爲冀州商爲孤竹國周屬幽州仍爲

孤竹國春秋晉滅肥肥子奔燕燕封於遼西乃為肥

子國秦為石北平遼西二郡地漢魏因之晉為幽州

遼西郡後魏置平州治肥如城領遼西郡又分置北

平郡畿輔志云漢末公孫度自稱平州牧取襄平為名在今遼陽州晉泰始十年置平州治昌黎在

口外舊大寧衛界後魏天賜四年以慕容懿為平州牧蓋自是始移平州於今府界後齊省遼

西郡入北平郡隋開皇初郡廢改為平州大業初復

改州為北平郡唐武德二年又改郡為平州天寶初

仍改州為北平郡乾元初復曰平州屬河北道後唐

同光初入於遼以平州為遼興府分置灤州與營州

隸之號為平州路屬南京道保大三年入於金為平

州興平軍天輔七年以平州為南京尋入於宋宣和

五年建泰寧軍尋仍入於金天會四年復為平州置

興中軍節度貞祐三年僑置臨潢府四年入蒙古元

太祖十年改興平府中統元年陞平灤路置總管府

大德四年改永平路屬中書省明洪武初屬山東行

省二年置北平行省改為平灤府按洪武九年始改行中書省為布政

使司畿輔志云明年改隸北平布政司者誤也四年又改永平府永樂元年

罷北平布政使司以所領直隸北京行部十九年罷

北京行部直隸京師領州一縣五我

朝因之雍正三年又以順天府之玉田豐潤二縣屬焉

永平府志 卷之一
雍正十三年豐潤玉田改隸遵化乾隆二年改山海衛爲臨榆縣乃領一州六縣

盧龍縣商孤竹國春秋爲肥子國漢置肥如縣屬燕國武帝時屬遼西郡魏因之晉屬幽州遼西郡後魏於此置平州仍爲遼西郡治北齊屬北平郡又廢遼西郡並所領海陽縣入肥如隋開皇六年又省肥如入新昌十八年改新昌曰盧龍唐初肥如屬北平郡郡治臨渝武德二年改郡爲平州自臨渝移治肥如仍改縣爲盧龍天寶二年又置盧龍軍遼屬平州遼興軍宋宣和四年改縣名盧城五年遼將張毅據城降宋尋爲金所取屬平州興平軍尋入宋屬泰寧軍尋又入金元屬永平路明屬永平府我

朝因之

灤州古孤竹國戰國屬燕漢置海陽縣屬遼西郡晉魏皆因之北齊省入肥如隋唐爲盧龍縣地後唐時入契丹隸遼興府始析置永安軍後又置義豐縣爲州治金仍曰灤州天輔七年置永平軍節度使屬中都路元屬平灤路大德六年改爲永平路明以州治義豐縣省入屬永平府我

朝因之

遷安縣商為孤竹國周為令支孤竹二國地後皆併於

燕秦為離枝縣漢置令支縣屬遼西郡後漢及晉因

之後沒於鮮卑舊志按遼西郡當有令支史闕文也後魏省入陽樂按魏

書遼西郡縣同晉志其注陽樂下曰真君七年併令支合資屬焉隋為盧龍縣地屬

北平郡隋書注北齊省遼西郡并所領海陽縣入肥如開皇六年又省肥如入新昌十八年改名

盧龍按海陽之上當有陽樂亦闕文也唐仍為盧龍縣屬平州遼以定

州安喜俘戶置安喜縣亦屬平州金大定七年改曰

遷安仍屬平州元至元二年省入盧龍後復置屬永

平路明屬永平府我

朝因之

撫寧縣商屬孤竹國周為幽州春秋屬山戎戰國屬燕

秦屬遼西漢為臨渝縣屬遼西郡縣志并廣輿記所載俱謂撫寧為漢

驪城縣考漢驪城并無渝水今渝河在縣東二十里漢書臨渝下注渝水應以省志臨渝縣為確漢

末分裂為公孫度所據烏桓鮮卑繼相侵奪三國屬

魏魏亡屬晉晉永嘉後慕容氏據之隋為盧龍縣地

屬北平郡通志言隋末復置臨渝縣未知何據臨渝縣當是唐初置唐武德二年

始增置撫寧縣七年省撫寧貞觀十五年於故臨渝

縣置臨渝屬平州萬歲通天二年改曰石城在灤州

南三十里遼又徙置其南五十里以就鹽官金大定

二十九年以新安鎮置撫寧縣屬平州元至元二年

省入昌黎三年復置四年復省七年復置屬永平路
明屬永平府我

朝因之

昌黎縣古營州地商爲孤竹國周屬幽州春秋爲肥子

國秦屬遼西郡漢爲絮縣驪城縣地後漢省入臨渝

晉以後爲海陽縣地永嘉之亂一沒於石勒再沒於

慕容廆再沒於苻堅又沒於慕容垂後入於魏魏爲

肥如縣隋爲盧龍縣唐爲石城縣

省志載隋唐皆爲盧龍縣地然唐石

城下載碣石山碣石爲昌黎山也昌黎在唐應爲石城縣五代時沒入契丹置營

州鄰海軍并置縣曰廣寧金皇統二年廢營州以縣

屬平州大定二十九年改縣曰昌黎天興二年沒於

元元至元二年省撫寧海山入昌黎七年復置撫寧

四年又以撫寧海山入昌黎七年復置撫寧乃省昌

黎海山人撫寧十二年復置昌黎以屬灤州并海山

入焉尋屬永平路明屬永平府我

朝因之

樂亭縣商周爲孤竹國漢爲海陽縣屬遼西郡後漢爲

樂安國晉爲樂安鎮魏爲樂安亭齊省遼西郡及海

陽入肥如隋屬盧龍唐置馬城遼因之金置樂亭縣

屬灤州元初於縣置溟州後仍爲樂亭縣屬平灤路

又省石城縣入樂亭尋即改入義豐省馬城入樂亭
及灤州明屬永平府

國初與豐潤玉田並隸灤州雍正十三年豐玉改隸遵
化而邑乃屬永平府

臨榆縣漢為臨渝縣屬遼西郡自晉以後乃廢臨渝縣
隋城渝關唐改石城縣臨渝關仍屬縣治一名臨閭

關宋石城賜名臨閭遼遷歸州民為遷民縣屬遷州
金廢為鎮元因其舊明洪武初始徙而東去舊關六

十里曰山海關十四年設山海衛宣德五年遂以衛
屬永平我

朝順治元年設衛撤關二年復關七年省撫寧衛入
海衛乾隆二年改臨榆縣隸永平府

疆界

永平府 東西廣三百里 南北袤二百五十里 東

至山海關外遼東界一百八十里 西至鐵城坎豐

潤縣界一百三十里 南至樂亭縣綠溝海一百八

十里 北至遷安縣桃林口六十里 東南至昌黎

縣赤洋海一百里 東北至臨榆縣石門寨關一百

六十里 西南至豐潤縣越支場二百里 西北至

遷安喜峯口關二百三十里 東至遼東廣寧鎮七

百五十里 西至京師五百五十里

盧龍縣附郭 東西廣七十里 南北袤八十里 東

至雙望堡撫寧縣界三十五里 西至赤峯鋪遷安

縣界三十七里 南至劉各莊灤州界三十里 北

至劉家營遷安縣界五十里 東南至黑石里莊昌

黎縣界二十里 東北至燕河營撫寧縣界五十里

西南至康家莊灤州界二十五里 西北至分水

嶺遷安縣界二十里

灤州在府城西四十里 東西廣一百二十四里 南

北袤一百七十里 東至灤河五里與昌黎縣交界

西至鐵城坎一百二十里與豐潤縣交界 南至

海一百一十里無連界 北至小橫山營十二里與

盧龍縣界 東南至汀流河四十五里與樂亭縣界

東北至偏涼汀五里與盧龍縣界 西南至開平

九十里與豐潤縣界 西北至趙各莊三十里與遷

安縣界

遷安縣在府城西北四十五里 東西廣二百里 南

北袤七十五里 東至孤莊盧龍縣界三十里 西

至呂家莊豐潤縣界一百里 南至赤峯鋪盧龍縣

界四十里至野雞坨灤州界三十五里 北至白羊

峪邊城六十里 東南至分水嶺盧龍縣界二十里

東北至劉家營盧龍縣界五十里 西南至乾河

草灤州界七十里 西北至喜峯口邊城百八十里

撫寧縣在府城東七十五里 東西廣九十五里 南

北袤九十里 東至深河堡臨榆縣界六十里 西

至雙望堡盧龍縣界三十五里 南至池家莊昌黎

縣界二十五里 北至界嶺口關七十里 東南至

戴家河大海四十里至秦皇島七十里 東北至黃

土嶺關一百二十里 西南至兩家店昌黎縣界五

十里 西北至燕河營盧龍縣界五十里

昌黎縣在府城東南八十里 東西廣九十里 南北

袤一百二十里 東至段家店與撫寧縣界二十里

西至樊各莊與灤州界七十里 南至王家樓與

樂亭縣界七十里 北至張各莊與撫寧縣界二十

里 東南至團林七里海三十里隔沙坨即大海

東北至小林莊撫寧縣界二十里 西南至西莊灤

河沿與灤州界七十里 西北至兩家店撫寧縣界

三十五里

樂亭縣在府南迤東一百二十里 東西廣五十五里

南北袤七十五里 東至黃瓜堡昌黎縣界三十

里 西至高各莊灤州界三十里 南至海四十五里 北至姚家新莊昌黎縣界三十里 東南至沙崖莊昌黎縣界四十里至海岸四十五里 東北至呼羅坨昌黎縣界十三里 西南至新寨艾太莊灤州界三十里至海岸四十五里 西北至沙鋪灤州界三十里至灤州七十里

榆縣在府城東一百七十里 東西廣七十里 南北袤二百三十里 東至關外紅墻寧遠州界十里 至奉天府八百里 西至深河撫寧縣界六十里 自義院口關七十里

羊山嶺始子海里一百五十里 東南至海十里 西南至戴家河撫寧縣界七十里 東北至條子邊 蒙古界七十里 西北至碼礫嶺撫寧縣界七十里

形勝

永平府連接邊郡 隋書地理志 負山帶河四塞險固 文獻通考 肥

水之西洞山之北赤山之東方山之南四塞險固實東北之雄邦 地志 碣石之依長城之枕護燕薊為京師屏翰擁雄關為遼左咽喉 畿輔通志

灤州灤水龍翔巖山虎踞 州志 灤為畿輔名郡橫山如游龍亘其北巖山如天馬峙於南溟河由東北曲折而

來襟帶於左別故河乾地歷城西轉南而合流山川
拱抱鍾秀頗多

盧龍縣平州有盧龍鎮山如龍形元和郡縣志負關阻塞襟

漆帶灤陽山首昂於東南桃燕尾蟠於西北縣志

遷安縣左環分水右據尖山灤水經其南塞垣倚其北

王永命修
縣城記

撫寧縣北密邇邊徼東控扼山海為遼陽襟喉彭時新
城記

橫山龍抱於東兔峰虎踞於西洋河天塹於南界嶺

雲連於北縣志

昌黎縣北背碣石南臨滄海左控榆關右帶灤水遼

之勝地也王鏊修
城池記

樂亭縣背繞羣山面臨滄海左望碣石右帶灤河府志地

勢原衍胎甲隱隆過卸委折二河夾送俯臨綠洋絕

島隄洲平疇綠野鄰邑稱美焉灤州志負山對海夾以

兩河縣志後背羣山前阻大海可謂冀北之神臯燕東

之天府縣舊志

臨榆縣峭壁洪濤聳滙南北束若甕牖

山川上

平山在府城中以其與南臺山平故名山巔為提督學
政行署自東北迤南為府治

南臺山一名印山在府城南三里左爲陽山右爲孤山
南臺中峙形如印上有開元寺郡人遊宴之所寺中
有井下通灤河今湮

烟墩山城西南十里

大牛山城東北三十里

芝蔴山城東南十五里

陽山距城十五里首山之陽也山多谿谷古陽樂縣在

焉與撫寧縣界

舊志云中有大窪寺今山陰有九蓮菴境最幽爲郡勝地

按論語註馬融曰首陽在河東蒲坂華山之北河

曲之中莊子云伯夷叔齊西至岐陽見周武王伐

殷避之北至於首陽遂餓而死今涇源縣首陽山

在岐山西北史記正義曰曹大家註幽通賦云夷

齊餓死於首陽在隴西又戴延之西征記云雒陽

東北首陽山有夷齊廟今在偃師縣西北皆與此

不合惟說文云首陽山在遼西宋白北蕃地理志

曰首陽山在平州舊志言今府城東南之暢山一

作陽山卽其地我

皇上御製詩序亦以說文之說爲近是誠千古之

特斷也

茄子山城東三十里與昌黎縣界

畿輔志作茄子山誤

銅鑛山城東南四十里或曰昔曾於此掘得銅鼓故名
鼓山

石虎山城東北二十五里山勢怪異猙獰若虎又名蝎
虎山近山四各莊無蝎或曰石鎮之也

按此山今俗名福君山上有崔福君廟廟碑稱寧
山土人不知其名

石矸山城東北五十五里畿輔志作石矸山

鷹嘴山東北六十里

三角山城北四十里

北安山城東北三十五里下有河常起白雲日出方散

故其山有寺名曰白雲寺

按說文云安止也土人以高平處為安故永平以
安名者甚多如五重安靜安社之類比比皆然舊
志謂山形如鞍者非也

梯子山城北四十五里

峯山城北五十里

鹿尾山城北五十八里高峯四圍懸于絕谷

白蟒山城北十五里

雙子山西北二十里一名長君山孤竹長君之墓在焉

南崖下有石刻曰仰止

馬鞭山一名少君山孤竹少君墓在焉

洞山城西十八里古孤竹山孤竹城在其陰其嶠有洞

其下灤水會之或曰卽古卑耳溪崖際鐫月素風清

四字不著姓氏清風臺在其上

舊志云山麓有青蓮寺

周王山城南二十里灤水繞之

灰山城南三十里下有龍潭上有廟

瓦礫山城南三十五里

獨子山城西南三十五里會聖安之流及清涼山泉爲

橫河入於灤

清涼山城南八十里山上屬灤州有娘娘廟山麓屬盧

龍界

鳳頭山城南二里

大王山城北二十五里有虎洞深丈餘

筆架山城南十五里峯巒秀削形如筆架

常福山城北三十五里

澗子山城南十五里

近陽山城南十五里

紅山城東北四十里在雙望堡之北與撫寧縣界

阿羅卜山城東北二十五里

茶葉山城北二十里

架炮山城北十八里

人首山城南十五里礮壘萬片遠視之若亂近視縱橫
有章若人累而成爲取石者鑿崩

狼望山城西南二十里

夢山城東北六十里一云墓山相傳高麗國王葬於此
杏兒山城東北五十里

盤龍山城北五十里

桃林山城北五十里山勢參差峯巒層疊昔人於此種
桃成林故名

按桃林山在桃林營東與桃林關尙隔五十里舊

志謂山產桃因名關大謬

瞭望山城東北五十八里嶠巖萃嶺下有洞深二十丈
廣五六丈四壁五采如繪前有水頗艱涉刻曰普陀

真境

甌山在城東北六十里以象名山巔有孔周七丈許深
四十丈直洞懸峽下視青龍河如鏡

卧龍山城北二十里在燕河營西山勢蟠結儼若卧龍
石門山城東北五十五里在燕河營北兩山如壁有龍

潭

羅家山在八里坨西北

永平府志 卷之一
搗角山

應作

城北五十里

盤頭山

塔盤山城南六里

行虎山城南二十里

刨錢山城東十九里

俞兒山城南四十里齊桓公伐山戎過卑耳溪見神人

焉管仲以爲俞兒或卽此也與灤州界

按國語史記皆云西伐惟管子則云征孤竹或曰燕北一帶之山皆名太行故曰踰太行至卑耳之谿也又按水經註則當在上谷之沮陽今延慶州

境

佛洞山城南三十五里一名窟窿山洞在絕壁下臨灤

河自石龕左折半里轉龕右而出冬煖夏涼爲昌黎

灤州界

赤峯山城西十五里在洞山之西

四窰山一名狼窩山在城西南二十里有寺聖水源焉

烽火山城西南五十里一名西安山安水源焉

門樓山城西南三十五里

裂坡山城西三十五里下有龍潭

棋盤山城北五十五里

按畿輔志載文峯山乃文峯塔之誤其所謂泥溝山乃泥溝莊也茲不載

孤峯城東南五里

雪峯城南十五里有寺

一柱峯城南二十里孤石直秀雄立灤河之澗

烟墩嶺城東北十里

青沙嶺城東南四里

分水嶺城西北二十里水之從西北來者其左由搗角

山盤頭山入於漆右由塔盤山馬鞭山入於灤與遷

安接界

孤孤嶺城南二十里

大嶺城北三十五里

小嶺城南十五里嶺南屬昌黎嶺北屬盧龍

部落嶺城東二十七里唐時居黑水部於此

獅子嶺城東北三十里

千松嶺城東三里

牛尾嶺城北四十五里

千頭嶺城南十五里臨青龍河

亭子嶺城東北二十五里

义都嶺城北三十里

石花嶺城南三十里

神樹嶺城北五十五里

羈隍嶺城南十五里

佛堂峪

舊志為神堂峪

城北六十里

按峪卽谷也谷原有兩音南人呼穀切以古祿北人呼育切以余六土人書加山為峪而音義無異焉

鷹窩峪城北二十里有古洞

范家峪城南十五里

黑崖峪城北五十五里

桃花峪城東北十里

青石峪城東南十里

黃驛峪在府城東南與碣石山西麓相近

正水峪城東南十二里

兵馬峪城北三十五里

梧桐峪城北六十里在燕河營之北

龜峪在府城西南

矜狗峪城北五十五里在燕河營北過峪卽遷安界

龍王巖城北五里

青龍巖城北二十五里在桃林關下城東百步許高三

里餘嵌巖如龍旁日照之其色黃映水如金

鴿子巖城北二十五里在燕河營東

石崖城西南二十三里

松崖城北五十七里有堡

鷓鷹崖城西北五十里在赤峯山前

鴿子崖城南二十五里近灰山

景封坨城東北三十五里

鐵石坨城西北十五里飲馬河西

唾屨洞城西十五里

老虎洞城東南十五里洞深丈餘

龍王坡城南五里南臺山右上有祠灤水先經其下今

改而西

菊花坡城北五里

馬蘭坡城東三十里

紅坡城東十里

沙石坡城北六十七里

虎頭石城南六里若虎踞狀舊傳為漢李廣射虎處其

下灤漆合流

黑石城西北十五里從地突兀而出昔人琢黑石二字

於上盧龍令魏師段又鑿龍吟虎嘯南宮頰首諸大

字與遷安縣界

試劍石城北十五里燕河管城西三跳澗旁唐太宗遺跡也

龍王島在灤河中流舊有龍王祠今廢

灤水源出宣化府西一百二十里炭山東北流經雲州

堡北六十里馬營堡南二十餘里又北流經故恒州

南入舊開平衛界土人謂之商都商都即上都音訛也東南流

古北口邊外七百里與九流河及諸水合逶迤而東

入柳河柳河在遵化州北口外又有青龍河及寬河自都山西

來入之寬河見遷安都山在遷安縣北百里亦謂之烏都山又東南過潘家口

鐵門關水注之鐵門關外分水嶺東者入長河西者匯大池入關出喜峯口而會於灤

又東入團亭寨口內地又東南經桃源莊與灤河合

灤河源正一傍二正見遷安旁曰橫水曰黑水橫水自洪山舊關嶺西從三道嶺合關北出口外孤石西

入灤河黑水自龍井口外七十里喬家嶺由三臺關南入於灤河又東至中峯山與

恒河合恒河見遷安又東過唐山與長河合長河見遷安又東

至官寨與清河合見遷安又東過黃臺山之箕石去遷

安縣三里納要孤水見遷安灤河至此其勢愈大每夏

秋水盛波濤澎湃若江湖又南入盧龍縣界又西過

清節廟又南至虎頭石與漆河合見後又南經巖山石

橋與別故河合見灤州又南五十里至岳婆沙港入樂

亭縣界東岐為二左曰胡盧河右曰淀流河至清河
口入海詳樂亭志

按白檀之濡即肥如之濡顏師古漢書註以肥如
之濡音乃官反白檀之濡音呼鴟反世遂疑其為
二及考水經酈註甚明非有二也

漆河在盧龍縣西門外源從境外十八盤北旱落兀素
百五十里阿老各泉至蔡家谷合下二百餘里為三
岔口又二十里土人呼為烏填河入桃林關鹿尾山
諸流會之南行至峯山西至燕河營合青龍河

畿輔志云漆河即古元水也水經注元水出肥如

東北元溪西南流右合盧水肥如故城在盧龍北
界桃林關元溪即舊志所云鹿尾山諸水也盧水
即青龍白洋二河桑欽所云盧水二渠大沮小沮
合而入元者也

青龍河又謂之涼河源出都山東南豹崖之三岔又二

十里合寺兒崖三溫泉三里入冷口關經建昌營與

白洋河會白洋河見遷安南入盧龍界至孤竹故城之陰中

流有石如砥柱又西至虎頭石入於灤乃盧水之小

沮也水經註云小沮水發冷溪世謂冷池又南溫泉注之又南與大沮合為盧

按舊志及畿輔志皆云青龍河入冷口關而遷安

縣志云源出刁兒鎧西北衆山溝入桃林口經鹿尾山不知入桃林經鹿尾者自是漆河竊意漆與冷口皆青龍之上游迨合於盧龍界乃謂之青龍後乃混而稱之耳至大沮舊志以陽樂水當之畿輔志則謂係白羊河其說近是

溫河在盧龍北十二里源出部落嶺卽古溫水也一曰肥如水西行合白溝河入漆

白溝河在盧龍縣東南十五里源出陽山過石槽繞城東北西流入青龍河爲陽口卽古陽樂水也

石槽在城東五里大石如槽俗名驢槽

按陽樂水初由上水關入城中行繞出下水關注漆數經水患乃塞上關堤堰由北城外西行

淘金河在盧龍縣西南源出筆架山東北諸山谷水西流入灤其水產金地名沙金廠

橫河源出盧龍縣獨子山合安河東西山水南入橫山營後北沙岸下東至泡石淀經榆山後劉家莊至偏涼汀而合於灤

涼水河漆西里許八里比下

飲馬河在長君山北料馬臺下

聖水出四窰山

安水出烽山

谷溝泉有三湧出如瀑布併流爲煖泉河至徐流營西南入青龍爲水田

清涼山泉爲橫河

鴿子崖泉流入青龍河

孤窠寨泉在燕河營城東西流入青龍河

石龜峪泉西流至蓮花池而絕

五里峪泉自狼家谷西流至道東而絕

白望泉自雙子山流至白砂崖青石頭而絕

杜臺西峪泉自部落嶺陽島谷合出與肥如水至壇西

而絕

黑水井在府治內有長石端刻牛首形爲其怪也久掩之

譙樓井在府治南譙樓前天將雨則氣出遇歲旱時占之頗驗舊志稱譙樓飛雨是也今湮

南臺寺井下通灤河今湮

魚井在劉家營北一里滿而不溢魚常出沒于其中

龍潭一在燕河營城北石門山兩山如壁潭介其間一

在灰山皆有廟一在裂坡山歲旱禱之均甚靈應

以上盧龍縣

橫山州北四里山腰有寺前有石井旦則烟霧出焉首
 蟠於河巨石峙湍之折為砥後乃鑿崖取徑達盧龍
 紫金山州北三里山產赤石脂亦名文筆山背橫面巖
 襟灤帶沂危峯峭壁一邑之大觀也東麓為偏涼汀
 懸崖有徑正德間所鑿下有關陡瞰灤河為北郊保
 障前有深潭

榆山州北八里橫山之後宛若重屏

巖山州南五里狀如虎踞其東絕壁百仞有洞凡十有
 八其上三洞最大而深人莫能上下有金大定間石
 橋石多紅色一郡之水口也上有塔

杜家山巖西二里許

許家山

張目山俱在巖山南五六里

胡家山馬鞍山西南七里

柴家山州西南十三里

林家山

芹菜山州西南十八里遼進士馮唐卿于山前結廬種

芹自給

法寶山州東南二十八里

媳婦山州西南二十五里唐時有婦李氏隨姑採薪于

此遇雨雹以身翼姑而死

磨笄山

小擺頭山

披甲山

宋家山其家三世皆出牛種以濟隣里

雙山州西十五里其下小沂入于大沂

拐頭山雙山之北正德中駕幸其巔

饅頭山

佛住山雙山西北七里

劉家山佛住山西八里

土山劉家山南十里

洞山一名吞流山在土山西五里

尖山受虛洞北五里

巍峯山尖山西七里山如展屏有寺

毛家山州西五十里兩峯對峙

萬石山毛家山南十里其南麓有鮮卑元帥墓

亭子山萬石山西北十五里其石可作礎礎

塔兒山其石青韌可爲碑碣表柱

北長山

小山州西南四里

石門山馬鞍山西三里

廟山石門山西三里

止馬山廟山南三里

老坡山止馬山西北

連錄子山老坡山西

烽火山連錄子山西北八里小沂之源出焉其巔有寺

三岔院山在烽火山西南五里

清涼山翠微萬疊人跡罕至中有黃土山院寺形如屏

泉繞廊厨清泚可愛

成山

城子山

白塔山

司家山有臨水院寺

偏山州西北九十里逶迤叢茂山厚居繁

荆山州西北九十里

桃山州西北九十里

羅山桃山南三里

索樹兒山在苦地嶺南

萬子山在索樹兒山南八里

大扒頭山其石可用而快利勝于亭子山

白道子山大扒頭山西十里自麓至頂有斜白路一道
圍山州西八十里上有瀑布四五飛流會于泉河
九里長山山有石佛寺林果茂密

力楞山

逗遛山

白雲山一名自來峯州西七十里巔有大湫曰湫嶺有
寺雲繞長松經時不散

鳳凰山白雲山東

佛座山鳳凰山北

大厓山佛座山西

大風山圍山西南其巔有洞內有鐵梯三折而入百步
水如河流深六尺許前通陡河風波不停淵黑莫測
洞南有頑鐵如牛半入土愈掘愈深

賈家山駱駝嶺南

唐山賈家山西孤高秀出上有姜將軍廟有煖泉數十

皂突山州西北十里

馬鞍山皂突山南

杏山州西一百里

習武山州南十里

五子山州西十二里上有五子洞龍溪之源出焉

黑山州西北一百里

平臺山州西北九十里

萊山州西北九十里產蕨

小峯

抱花崖偏涼汀西北

樹兒嶺大崖山南

駱駝嶺樹兒嶺南

分水嶺其頂平分其嶧三分為盧龍遷安界

環坨嶺兔兒坨南

上五嶺州西北一百里

下五嶺州西北九十里

梯子嶺州西北九十里

省志作梯子山

羅家嶺州西北九十里

王家嶺荆山之西有洞洞有石刻篆字不可識

苦地嶺王家嶺南

孝家嶺杏山東南八里

蠶箔峪崖山西麓

卸甲峪送甲峪俱蠶箔峪西二里相傳唐太宗于此卸

甲耕者常拾鐵甲焉

香花峪團山之麓

天井峪其巔有井天險可避兵

馬家峪一名七哥峪上有聖泉居其麓者多產七男

水峪湫嶺之南

王子峪

秣軸峪

宜安峪羣峯萃律

抽分峪在分水嶺北

小白峪荆山北三里

折腰峪

橫山峪

泉子峪諸峯環聳午乃見日有龍泉寺瀑布

銅盆峪為遷安界

繩索峪

蕩糧坨又名三角坨州南五十里

詳古跡

雙雁坨州南二十里

詳古跡

長沙坨

望馬坨

龍堂坨

古坨

木蘭坨

土坨

白沙坨

王塚坨

嶺頭坨

灰坨

紀坨

唐王坨

大沙坨

草坨

兔耳坨

光水坨

茨榆坨

布堡

唐子坨

沙塘坨

長春坨

大夫坨

西沙坨

按舊志云灤人以平坡而蓄水者為坨灤邑坨名

甚夥除以姓而名坨者類於村莊不具載外餘仍

列之如右

受虛洞在洞山深黝莫測大雨迅驟能容數里湍

五子洞在拐頭山南一名墓子洞有四壠五峯其巔有

石塚龍溪源出而伏伏而復出昔人投糠驗之

灤河州東南五里自偏涼汀入州界南至汀流河出境

詳盧龍

清河州南二十里源出州西五子山東五里有大泉騰

沸流經州南八里曰八里河又經料馬臺邱官營伏

入地中俗名地橋又東南二里經閻家莊復現為龍

溪亂泉突湧分為二派東派出南閘頭南行一百三

十里經樂亭西馬頭營達綠洋溝入海其西派由龍

堂寺西南經破橋三岔口合沂河折而西南下沙溝

至澤頭會古懂河又南合大田泊達公安橋又西南

至蠶沙口入海

沂河即古素水也大沂河在州西十八里發源盧龍縣

馬家莊經栗園折而南經三空院折而西轉佛住山
南經楊家院合董家灣又東南經芹菜山波落橋又
南合蓮臺港又東南經于家泊入青河

小沂河在州西十二里發源烽火山東流經拐頭山過
雙山入大沂

古懂河州南四十里源出倂城南流經石橋入清河

陷河州南五十里源出州西南于家泊至韓家泊會破

風港于倂城西又會龍堂河吳家河繩家河龍堂河源出李家莊流為七里港吳家河源自清河並經豐腴屯入倂城繩家河源自榆子林社遊觀莊亦會于屯西南

經曲王店孫家坨至王塚港瀰漫于白沙坨南又經

胡家莊至印步甸別為周家河又西經梁魚溝南經
天井達蠶沙口入海

靳家河州西八十里一名小青龍河源自游觀莊五十
里西經司一司二社又南二十里合黃坨河黃坨河亦自游

觀南流至此而合又二十里經栢家莊寬頭河散流于潮河
潮河乃黑洋海口東派海水蕩瀟流延百有餘里

沙河源出遷安見遷安邑下由沙河驛至州西四十里海子崖
莊合長灣又合大水泊小水泊詳後經宜安社迤邐而

南至北柳河社入豐潤界轉東南達於海凡沙河所
經民患之

陡河州西一百二十里其上源曰館水源出遷安縣館

山南經偏山又西南合黃花港入牝牛橋河又西南

至榛子鎮東龍灣河西合唐家河又西合雙橋河雙橋

在州西八十五里一自松亭社泉河頭西南一自豐潤板橋河東南入又南經

石城西為石榴河又南經唐山橋為大河又東十里

為獅子灣南經聶家莊王盼莊又西南合金溝馬家

港康家莊大夫坨而入官渠

龍灣河即黃崖河州西北九十里發源羅家嶺南三里

天渠注石槽下轉石甕又至石盆南經皂筒灣梯子

嶺至榛子鎮東五里橋合陳官營煖泉而東至紅頂

寺入牝牛河

唐家河在灤州榛子鎮西源出狼窩舖崖下東流逕冷

家灣南經紅頂寺入牝牛河

王家河州西一百二十里源出曹家口社南經鄭家莊

水灣寺將軍坨入官渠

官渠河在灤州西南陡河帥家河下流也至豐潤胥家

莊漫入白場總達建河入于海

帥家河源出州西六十里白雲山南之水峪西南經孩

兒屯官套至石城東又西南為小河又西南與陡河

合而為官渠河

橫河州北七里源出盧龍縣獨子山南逕橫山營又東
 至泡石淀經榆山後至偏涼汀合灤河即古瓠溝水
 別故河在灤州西南其源有四一出縣西北二里廟兒
 山東逕栢樹莊高家坎至演武亭此正流也一自演
 武亭東北逕蓮花池是為金魚泉一自菜豆灣至府
 君山沿河堤至巖山之岬折過岩山而下是為玉帶
 河一自劉家營而東是為五里河四水胥會于演武
 亭西堰而為別故河經巖山石橋下會于灤日久故
 道漸湮雍正四年復舊疏通播流灌溉水利滋廣菜豆
 灣昔稱綠頭灣謂泉內有綠頭
 物別故俗傳別溝聲之訛也

新河故道在灤州樂亭縣界夾于灤樂之間即古新河

按水經注新河自雍奴縣承鮑邱水東出謂之鹽
 關口魏太祖與洵口俱導也又東北逕右北平而
 達于海陽海陽今灤州雍奴即武清鮑邱水即潞
 河蓋新河橫亘於南北而灤潞得以交通故饋運
 相接也

曾家灣河州西南一百二十里源自狗兒莊鴻鴨林港
 迅流至濟民場達于潮河

白寺口河州西一百二十里源自松梁社任家莊南流
 入于陡河

蠶沙口河州南一百二十里天井之別南入于海
交流河林裏河在州南東距蠶叢口二十里漁人張網
者皆聚而避風焉

長春淀州西南一百二十里長春社舊名大定淀大定
二十年更名長春

按淀在舊石城廢縣地即今稻地集西州志謂有
長春行宮乃遼蕭太后所建鑿渠通唐溪以游觀
然考遼長春宮在南京之郊其有長春河則在遼
水之川此乃金行宮也

緩靈水漢書地理志海陽有緩靈水南入于海或曰即

灤州沙河

大田泊在州南獨莫莊產葦蒿匿狼兔雖旱不竭流合
清河

大水泊州西南七十里源出土山任郎莊流經赤堠社
曰漢王渠經永豐屯為大水泊又播為小水泊經孫
家溝入于沙河

于家泊州南五十里入于陷河

海子長灣州西四十里產菱藕魚蝦流入沙河

獅子灣州西南七十里套里莊渟泗靚碧

董家灣州西南三十里入于沂河

翟家灣州北三里

小龍灣州西十五里

老龍灣州南二十五里

沙角灣州南三十里

龍落灣州南五十五里自大港流出

劉家灣州南八十里

泉水灣州西南三里馮家坎下冬夏不竭後爲流沙所
壅

七姐灣州西南八里

杏樹灣州西七十里自翟灣至此九灣皆瀦水不流者

蓮池一在州西三里金泉亭下知州潘齡引金泉注之

今廢有斷碑存焉一在州西南芹菜山下今廢一在

州西南唐山之陽一在州東南于寧社薛家莊水汎

時入于沂河一在州南崇本屯清河西一在州西南

姚家莊社曾家灣西

雙溝在州西松梁社入于白寺口

破風港州南四十里達于韓家泊

王家坨港州南三十里其水遶坨甚濶下流入于周家

河

馬家港州西南康家莊下流入于小河

大港在花港社

麻灣港州南九十里獨莫城

任家港州西南司家莊

于家港州西北松梁莊

聶家港

齊家港並在州西南康家莊社

七里港在孝家莊

黃家港州西北八十里

唐王港州西南一百里以上諸港皆可資畜牧所產

蒲菱藕鱗介鳧鴨之屬甚蕃

扶蘇泉州西北十五里俗曰甘泉相傳秦太子扶蘇北

築長城曾駐于此

按郭造卿曰扶蘇乃狐蘇之訛舊志云在撫寧縣

東以遼史爲信則灤是矣

一斗泉在桃山西

煖泉一在州西北九十里卽北甸河一在州西南百里

龍灣過唐山入大河一在唐山下傳爲姜將軍斬蛟

處一在州南八里龍溪一在州西八十里圍山下俱

沍寒不冰

以上灤州

永平府志卷之二 山川下 岳孤山縣東北三里屹然獨峙一名耀孤山山陽有古寺下有三里河 嶺山縣東北十五里昔人射蟒於此產鐵 晒甲山縣東二十里相傳李廣晒甲于此或云唐王無 征焉 河架山在晒甲山之北 瞭蟒山縣東北四十里有紅白二坡紅在冷口關西南

永平府志卷之二

封域志二

山川下

岳孤山縣東北三里屹然獨峙一名耀孤山山陽有古

寺下有三里河

嶺山縣東北十五里昔人射蟒於此產鐵

晒甲山縣東二十里相傳李廣晒甲于此或云唐王無

征焉

河架山在晒甲山之北

瞭蟒山縣東北四十里有紅白二坡紅在冷口關西南

白在口外坡有溫泉可浴明內官繕以石柱木闌今廢

武家山縣東北四十里頂有登龍石方圓二三丈底尖一人撼之輒動上甚平可容三四席

鹿尾山縣東北六十里俯視羣峯與盧龍縣界

牛山縣東二十里在岳孤東半舍許有石如牛故名

烽口山在徐流營西山外水流入達薄過莊入青龍河戚繼光開水田處也

萬軍山縣東三十五里頂有土城廣三百餘步或謂安喜舊城遂所置也其麓有清玩寺青龍河冷口河合

流山下

團子山縣東南二十里舊名覆釜山一峯獨秀望如覆釜上有文峯塔舊傳孤竹次君墓在焉

龍泉山縣南十五里松林蒼翠灤水繞帶山腰有泉甚清冽歲旱取水祈雨名曰聖水泉上有蟒洞遺跡又有方石丈餘明萬歷中邑人李安仁題眠雲漱月四字

瓜村山縣南十五里產白土上有石城

嵐山縣南三十里一名藍山天雖晴霧氣發如蒸山根有洞水經注素河出令支縣之藍山卽此

黃臺山縣西南三里山多黃土其狀如臺山陽有棲真寺乾隆丙寅處州太守鄭勳建亭于其上春夏之交遊人讌集遠眺嵐山下臨灤水遷邑之勝地也

松汀山縣西南三十五里高六十餘丈巉岩壁立沙河中松栢茂密腰有三洞每洞可容二百人昔人避兵於此下有澄潭石孔無數爲魚穴上有古公侯塚不知何時人

香山縣西南三十五里上有寺南爲沙河驛

岳野山縣西南五十里峯巒秀偉下有勝水寺寺後有龍虎二峯後有虫蛇諸峪

福山縣西南六十里與灤州界

三茅山縣西南六十里黃山之右

雙頂山縣西南六十里兩峯對峙中有古刹無梁殿下黃爲鳴盆澗澗乃石凹泉滴其上音乃如磬

雞冠山縣西南六十里

鶯嘴山縣西南七十里山勢陡峻石嘴峻嶒城山縣西南七十里介羣山中層巒聳翠有古刹多花草

館山縣西南五十里又名羅家嶺一名大嶺山下有泉爲牯牛河源

寧山縣西南七十里林木幽靜溪谷秀雅畿輔志作縣北

貫頭山縣西三十五里沙石合流之陽眾山起伏聯貫

如珠其腰多竇黑鷹巢之北有靈泉寺

平頂山縣西四十里上有地一頃餘可容萬人

尖山縣西北五十里羣峯攢立頂有石寨環以二泉下

有龍崖寺

黃山縣西五十里魏文成大安三年將東巡詔起行宮

於遼西黃山山麓有泉湧出西流成河

三盆山縣西南四十里

鴿子山縣西四十五里

烽火山縣西七十里澈河之濱卽烽火臺左有磯矚中

流有石窟舊傳黃龍居之

障樓山縣西八十里層聳如樓屏峙如障因名

老君禪山縣西九十里山勢清幽俗傳老君坐禪于此

白龍山縣西九十里灤河之濱寧山之北上有浮圖

井山縣西九十里白龍之西有井下通灤水

三稜山縣西九十里山有三峯井山之南

栢山縣西百里有古寺多栢樹

楊老山距城百里在採樹嶺北有高峯二十餘里

三帶山與栢山楊老山相連

藏龍山縣西北四十里

龜口山在藏龍山之北與藏龍山夾峙灤水經其間匯為深潭水中石上有龜龍影為龜龍津

栲栳山縣西北五十里高接洪谷關城上有大洞深二十餘丈有雲岩寺

玉泉山縣西北五十里下有泉自石空流出

梁家山縣西北六十里林木叢雜熊虎為穴
太平山縣西北六十里下有太平營西北兩山去營二里許左川右河憑高可眺北五里峭壁林立清河繞之崖下二磯魚多聚焉

大黑山縣西北七十里蒼松古栢黑石峻嶒有大方石
八心空上有手印傳為攻書臺

小黑山縣西北六十五里

五虎山縣西北七十里原名九山下有九泉匯而入灤
或曰以山有九疊名之北即米峪關大路康熙三十年冬十二月

聖祖仁皇帝狩于此山獲五虎

詔改名五虎山

按畿輔志以九山五虎山列為二又別出九峯山
府舊志無九峯名遷安志亦別出九峯山並非蓋

九峯亦卽九山耳

范山縣西北八十里在米峪口

五峯山一在縣西北九十里山有五峯羣山環接左右

爲龍虎二峯下有唐寺前有天橋川漲常高數尺至

橋必流其下南爲豐潤要帶山其流入還鄉河一在

冷口外四十里卽大桐山上有飛泉爲縣景之二

石盆山縣西北一百里頂有石盆泉湧上出冬煖夏涼

大青山縣西北九十里北爲董家口關

瓜山在榆木嶺關南二里曲盤而入崎嶇旋轉凡二舍

餘總名之曰十八盤行人稀見日

女兒山在勝嶺山西

中峯山縣西北一百里

窟窿山縣西北一百里頂明如月高與鐵門山齊洞高

十丈大小二孔內周十餘里小洞十數紅嘴鴉巢之

轉而東懸石皆五色又東崖向北前坡鼓以八音莫

不應焉

營山縣西北二十里

姚其山縣西北八十里

景忠山縣西北一百二十里矗立雲表高八里許原名

陰山明嘉靖中總兵馬永建三忠祠于上因改名

元武山縣西北一百二十里在三屯營北山峯獨峙上
有真武廟

六寶山縣西北一百三十里山勢深廣舊有銀鑛今塞
鐵門山縣西北一百八十里去關二里

鳳翅山縣西北一百四十里又名舞鳳山

壽星山縣西北一百七十里澈河之陰本名勒馬山去
漢兒莊五里許明總兵戚繼光改名

澤高山縣西北一百八十里袤五十里高七八里盤折
而上土名三十二窟郭造卿更名

大小尖山澤高山之陽並如兜鍪大者尊嚴小者崎嶇

相次

長山縣北三十里

金山縣北三十里在白羊口關西南有寺以山名下臨

灤水晚霞掩映若浮丹

塔子山縣北三十里

石門山縣北四十里其門天成山高七十五丈

蓮塔山縣北三十里高三十丈周三之以狀名

佛院山縣西南三十里山勢環繞中有古刹

都山冷口外一百二十里高出塞外俯視羣峯頂有白

沙似雪直北如屏爲郡之鎮其水中分東歸渝西歸

灤

雄山龍井關外三十里與遵化州界

半壁山桃林口外六十里與撫寧界

魚鱗山冷口外二百里峯巒層疊石有五色望若魚鱗

與塔子溝界

羊角雙山在嵐山南

橫山在大青山西

祁山縣西北一百三十里

四角山縣西北三十五里

孤山羊心山在平頂山之南

蓮池山有正覺院其泉清冽冬溫夏涼

羊闌山縣西北四十里高十丈週五里

降龍山在岳孤山西北二十里中峯拔豎左右如伏一

名堡子山

雞林山在徐林口關無竭

三角山縣北七十里在白羊口關內一名佛面山山高

峻人跡罕至巔多巨石遠望如佛又名達摩峪

東鰲山縣北五十里

蛇山在金山之東鑿山爲路如蛇

銀鑛山在太平營西五里山高峻谷口僅容兩馬

元平府志 卷之二
月城山塔兒山在鹿兒嶺之北

東山在白道子關外下有石崖洞中泉湧出達河平石

爲臺可以流觴南半里河中有山獨立如砥柱名珙

山

樓子山縣北四十里山巔有石遠觀如樓又名猴兒山

白羊山在石門關西八里距縣北四十五里

馬城山在白羊口東二里百餘丈如墻迤北多青白石

可碑

韭葉山距縣五十五里在白羊口西三里又五里爲擦

崖子關

瞭高山縣西北八十里在蛇山之北

白雲山在城子嶺關東

伏虎山在城子嶺關西

阿羅山城北三十五里衆山羅列簇簇相聚

唐山在障樓山西怪石危立

遊鄉山在董家口關外兩山夾溪如錦步障

屏山在樓子山南十里

片石山在老子峪東三里石長十丈出於灤隔灤而西

爲樓子山

龍井山在松臺之旁

玉帶山在井山之南

香羅山縣西北百二十里在觀音岩北

五指山冷口外五十里

映壁山冷口外一百四十五里

茨兒山冷口外五十五里

將軍山在探樹嶺西五里有二將軍墓有孤石高三五

丈

大荆子峪山小荆子峪山在建昌營西南十八里以所

產名

栖峯在佛兒峪西

長峯

妙峯在灤河西北三十里窪有古刹有松生於石井

小喜峯在喜峯山南二十里兩石并立俗呼公婆兒今

公折半矣

蓮花峯五老峯並在壽星山之東

疊翠峯縣西北一百三十里鹿兒嶺之北

長嶺峯城西北五十里二峯南北夾峙通道所經

分屬嶺俗名分水縣東南二十五里

見盧龍

芝蔴嶺在佛兒峪北

七家嶺在岳野山西

挾車嶺縣西南四十里

石鼓嶺縣西南四十里

駒驢嶺

羅家嶺

帳房嶺上有土城三百餘步

槽子嶺在三角山北石垣中平七尺如槽

採樹嶺縣西北五十里在藏龍山後本名偏崖子渡灤

經之

太子嶺俗傳秦太子扶蘇所登也距城百里其西有三

十二窟昔人避兵於此

勝嶺在遊鄉山西五里其水東西分至秋日始合

西山嶺縣西北一百六十里卽喜峯古松亭山也其峯

削下腰有洞高二丈餘深倍之有墳在岡上臨關口

乃古夷王墓

鹿兒嶺縣西一百二十里在景忠山陰東爲三屯鎮城

諸山近川自嶺西流入遵化

長城嶺在洪山口外

牽馬嶺城西北八十里刀兒崖後陡險必步

血石嶺縣西南五十里石色如血有泉清冽冬日草青

花白雖嚴栗不槁爲石河之源

三嶺縣北三十里在五重安之南

救駕嶺城西九十里相傳唐太宗征遼敬德救駕於此
駱駝嶺縣西百里形如駝

城子嶺縣西北八十里

芹菜嶺城西北九十里在十八盤南

榆木嶺城西北一百一十里明洪武初始設關

香爐崖在橫山西沙石合流之陽

雞冠崖在馬蹄峪之西

青山岩在晒甲山之東

黃崖喜峯口外七十里遍山皆塔出自天然俗名黃崖

萬塔有獨木仙橋與八溝界

磨兔崖在建昌營西南八里有獨石高丈四尺周丈一

尺頂有浮石如磨

朝宗崖在澤高山之西

鹿皮崖鐵門關外三十里

觀音崖縣西南八十里柞子庵之西清溪蕩漾山色清

幽

鸚鵡崖與石盆山對

滴水崖在將軍山下無泉而涓滴不絕

刀兒崖在烽堠山北有石挿灤

松崖在牽馬嶺西十里

灰窰峪在黃山舊關塞遺址也灰白如粉一名糕乾峪

佛兒峪縣東北六十里有石高廣三丈就石壁鑿佛

井兒峪在沙河驛西北四十里

從照峪縣西五十里

甘家峪

野狐峪在牛山之南

清水峪距縣西北五十里長嶺下

穰口峪在障樓山西五里

大虫峪長河峪俱在卧龍岡西灤經之

大水峪小水峪在長河峪西踰河

松茅峪在澤高之陰

石塘峪柳河峪俱在將軍山之西

馬蹄峪在雙頂山之西

龍堂峪鷹嘴峪俱在馬蹄峪之西

葫蘆峪縣西五十里峪內又有塔兒峪

李家峪在鐵門關右

駱駝峪在玉帶山之南

桃樹峪在鐵門關外十五里

柳子峪擦崖口外四十五里

野雞峪喜峯口外二十五里

蘑菇峪柵子庵口外二十五里

燕子峪潘家口外二十五里

寺兒峪望龍岡在障樓山西南

卧龍岡在青山北

秦王頂在嵐山南

老子谷小喜峯西南三里下爲團亭寨

文殊洞摩訶洞在葫蘆峪又有朝陽背陰二洞冬煖夏

涼

風洞在佛兒峪周五丈深三丈餘明時風常損稼寒之

而息正德三年立風王廟迄今夏季望日祀之

勝水洞在石盆山旁

老虎洞冷口外一百八十里與塔子溝界

袁李洞在五虎山旁如團蓋可容數百人世傳袁達李

牧學道處

琵琶洞在擦崖子關其洞深廣爲狐穴

知止洞在景忠山中亦名別山洞

二郎坨在玉帶山之南

杏葉坨擦崖口外二十里

釣臺小尖山之支也澈河至此十一曲而滙焉

松臺大尖山之支舊有蓮心館

烽火臺在激石岩上

搗鼓臺在太平社三里昔人聚兵於此

垂綸臺在雞冠山之麓

五老臺在壽星山之東

唐王臺在鹿兒嶺之北

將軍石在壽星山之巔高二丈屹然而立

文箕石俗名簸箕石在黃山背後形如箕昔人刻文箕

射斗四字于上又名聚米石水漲不沒驗歲豐凶

灤河距縣三里自潘家口入縣界流百八十里至縣西

黃臺山下南流至嵐山北東流經瓜村龍泉山入盧

龍界詳盧龍

清河縣西七十里有二源一出口外東馬道入城子嶺

口一出口外松嶺子入大嶺寨至太平寨南合為一

過長峯嶺至官寨下入灤水經註之敖水也

蛤螺河即口外之乾河川縣北三十里自白羊口外入

城子嶺關與清河合

長河縣西北九十里源自口外聶門龍鬚三岔入董家

口關東經青山營又經太平寨西過稔子口合于灤

水經註之黃維水也

溫泉河縣北五十里源出劉家口西有泉三湧出如瀑布並流爲河至徐流南入青龍河爲水田卽古溫泉水也

按遷安溫泉水經注云出東北溫溪縣志載在冷口外四時常煖明守關閹臣立木檻建屋舍人多於此澡浴乃另一溫泉非盧龍縣北之溫水也

澈河縣西北一百六十里源出口外黃崖陰過大安山後黃門子二百餘里會橫水由龍井關流入合黑水

過漢兒莊至澈河橋東二里合灤河

遷志云至趙家莊南二里入灤

寬河縣西北七十里卽豹河流百里入灤

黑河縣西北二百里入柵子庵口至漢兒莊南入澈河
白羊河縣北四十里自白羊口北入關繞石門堡白道子至建昌營東南入青龍河卽水經之大沮也

冷口河縣北四十五里衆山水所聚口外爲沙河入口名冷口河自建昌東南流至萬軍山爲青龍河

兩水河縣東北三十五里至萬軍山入青龍河

恒河亦曰橫河縣北一百里源出景山北王四家峪流經三屯城北而東合獅子峪諸水過中峯山而西入

灤

三里河縣東三里源出小寨莊南東流經岳孤山下南

流至盧溝堡入灤卽岳孤水也

石河縣西三十里源出血石嶺合沙河

沙河縣西北四十里源出赤嶺赤崖寺經好樹屯東流

至松各莊合石河過七家嶺至院頭與王家河合至

新莊草束子屯下合衆潦經沙河驛入灤州界

詳灤州

又經豐潤界轉東南達于海

還鄉河亦名環香縣西北七十里發源泉莊南黃山之

麓西由弔水院崖兒口入豐潤之東北界卽溲水源

也

館水出縣西南三十里之館山由灤州界入豐潤陡河

冷池縣北四十里暑月泉氣如冰

以上遷安縣

兔兒山縣西十五里雙峯尖聳狀如兔耳絕頂有潭雲

常覆之微徑而登可容數萬人

雙頂山縣西南四十里其陰爲松流河源

天台山縣西南二十五里山寨險峻舊名碓臼崖下有

雙泉寺

紫荆山縣南三里臨洋河有立石狀如婦人俗呼紫荆

石婆卽魏之新婦山也

馮家山縣東南二十五里兩峯鵠立近海上有土彬兩

大字晨則見之爲昌黎界

黃家山縣南八里其石天生榻塊可資民用

鐸山一名滑子山縣西北十二里松流河逆流繞其下

至曹西莊入洋河

畿輔志誤以爲
二又訛鐸爲鞞

背陰山七王山北十里接盧龍界

七王山在尖峯之南逾河

熊山在背陰山北先年山有熊其陽白塔莊產金

嚴家山在熊山之北有水入松流河迤西爲盧龍之紅

山

巖口山縣北五十里

天馬山縣北二十里高聳秀拔如控馬首于雲際舊名

馬頭崖明萬歷中改今名峭壁懸崖之下澗深數十

丈絕頂鑄天馬行空四大字又有山河一覽海天在

目諸大字明戚將軍繼光題

青石山又名流濠峪在天馬山東北十里有青石佛三

尊

茶芽山一名桃兒峪縣西北五十里頂有洞如盤泉水

盈一勺飲之不竭名聖水

半壁山縣北五十五里滴水崖西山如刀削有避兵舊

寨

考栲山縣西北五十里

將臺山縣東北七十里連界嶺關

八角山縣北二十里天馬山東

羊角山縣東北三十里高峻有避兵城土名南寨

塔子山縣東北三十五里頂有浮圖高二丈餘名女兒

塔

偏頂山縣北四十里高插雲霄山腰平漫可耕號平臺

青陽山一名青山縣北五十五里偏頂山北上有塔後

有寺其下澗水清漣晴明至絕頂南海東關如在足

天下

搗角山青陽山東

臨渝山縣東二十里峯巒崛起舊時關隘峯高千仞下

臨渝水一名馬頭坡

橫山縣東五里自縣東望橫截于前

黃崖山縣東北五十里在猩猩峪北凡邊內之山盤礴

于外者黃崖爲大高可十里半山有捨身崖深三四

丈崖傍石壁上鑿佛像三尊其石徑僅容足爲望

海寺

香爐山青山關外巔有大石狀若香爐

花果山在界嶺關外

業固山縣北五里餘爲邑之入脉正龍

雲峯山縣東北五里

蘆峯縣西十五里舊置驛于此

尖峯在兔兒山北峻拔有洞

峯山嶺在馬頭山東北三十里張果老河源也出于温

泉堡

黃土嶺在平林山東

鐵佛頂熊山之東

背牛頂縣北七十里其山秀拔必扳緣而登迤西其巔
尤狹置木梯五架山後有石如牛故名上有無梁殿

雨時鋪雲萬里有如堆絮名堯綿世界

望海岡在牛頭崖東

鷓巖縣西北三十里在巖口山北怪石直立其峯平漫
其東北面若刀削可避兵

刀巖在臺頭營南頂可容千餘人惟北面有微徑可陟

滴水巖臺頭營西五里巖高千仞

九華岩在天馬山東

牛頭崖縣東南三十里連峯山西

對嘴崖縣東南二十五里

黑鷹峪縣南十里

平房峪在兔耳山南聳秀深茂多果實

石佛峪岩上石佛踞瀑布上岩下有井深黝不可測祈

雨多應

銀洞峪縣西南四十里峪產銀礦

大崇峪一名大蟲峪在石佛峪東南其石自片厚或數

寸或盈尺利于用

楸子峪熊山之東

麻塔峪在天馬山西五里腰有洞深二丈餘廣半之其

中東北泉不盈勺久雨大旱如常

鷓鴣峪半壁山北

孤石峪尖峯秀出有溫泉可愈疾南流爲河一名和尚

山

星星峪臺頭營東三十里

牡丹坡縣東北六十里其坡多牡丹

馬和尚洞望海寺東里許

三石洞在牡丹坡西高二仞廣半之深二尋洞東有水

簾傾于石龜背下匯爲河將入關有溝在下故爲蛟

窟蛟徙其窟沙壅之或云沙下深不測與龜背洞通

鷹窩洞在背牛頂山後

風洞在和尙山歲爲灾居民祭焉

渝河縣東二十里源出口外古瑞州由宏量寺遶流入
戴家河匯歸於海

按魏書渝水首受白狼東入塞外又有侯水北入
渝疑卽此方輿紀要云渝河由古瑞州東南流至
聯峯山西一名獅子河又曰蒲泥河

陽河亦名洋河縣西里許源出界嶺口外裂坨山流經
縣東南紫荆山下入海後西徙二里康熙二年復歸
故道所徙之道遂湮又有分支在縣南二十五里由
劉各莊遶流歸清河口入海

沙河發源猩猩峪由榆關鎮西繞流入戴家河

賈家河發源花果山由箭桿嶺口外流入經賈家莊南
歸洋河

梁家灣河發源東峪由峪門口莊北繞流歸洋河

小紅河發源李陽峪北溝由野各莊東繞流歸洋河

雕崖河發源青山口北溝由周各莊南繞流歸洋河

倒流河一名飲馬河發源盧龍之腰站莊至燕河莊單
各莊入境繞流入雕崖河歸洋河

松流河縣西北十二里源出雙頂山銀洞峪由所各莊
入石河倒流至滑子山後

界嶺河源出口外別坨山十八盤曲折灣環合關內黑

谷嶺關東勝寨北諸水由鹿角峪二十里入松流河
此水經注封大川水也

黑洋河海口在縣南

戴家河海口在縣東南四十里明時海運此為積儲之

地

中桑水自馬司嶺西入口十里至王家莊三十里入洋

河此漢地理志之龍鮮水也

綠灣縣西北五里滑子山下松流河逆而環之灣中有

蛙不鳴

卧龍灘在和尙洞東有池不竭

雙龍池縣南八里

雙龍眼泉在黃崖望海寺東有二石穴冬夏不涸

龍泉在猩猩峪北深不可測上有瀑布飛濤每旱禱雨

立應

滿井縣東三十里牛頭崖西北百餘家共之隨汲隨滿

大旱亦然此井應屬撫寧縣臨榆縣志誤載

以上撫寧縣

碣石山縣西二十里雲峯寺右山頂有石卓立如柱相

傳為天橋柱人罕能至史言秦始皇漢武帝魏文成

齊文宣唐太宗並登此山今無可見惟石壁鏡文五

十四爲石花所封僅存明昌幾年五字乃金章宗年號也

按尚書傳曰碣石海畔山疏云在右北平驪城縣西南漢書地理志右北平驪城大碣石山在縣西南其遼西繫縣下云有碣石水言水不言山而武帝紀注文穎曰碣石山在遼西繫縣今罷屬臨渝後漢郡國志兩存之引水經云在臨渝縣南又引郭璞云在右北平驪城縣海邊隋書盧龍下云有碣石新唐書平州石城下云有臨渝關有碣石山營州柳城下云又東有碣石山是二州各有

碣石而營州之碣石又在柳城之東若夫史記夏本紀索隱引太康地理志云樂浪遂城縣有碣石山長城所起史記蘇秦傳南有碣石雁門之繞索隱以爲在常山九州肇域志謂山東海豐縣陽谷山卽古碣石皆與夾右入河之意未合自以在驪城繫縣之說爲是今昌黎乃古二邑地但韋昭謂歷世旣久爲水所溢漸淪入海已去岍五百餘里則今所指之天橋柱亦非水經註之所謂天橋柱也

仙臺山縣北十五里自太行分派東來惟此與裂頭山

景山角山兔耳山爲平營五頂絕壁萬仞上凌霄漢
下視關垣如帶大海如沼縣城特彈丸耳巉巖累石
莫可名詰山頂有石棋局相傳仙人曾奕于此山腰
鑄仰止二字楊于陞書天會十五年有僧建臺四面
立石若闌檻臺後爲果老院

觀音山縣北十五里仙臺之北有前後二峯其巖有礦
洞人莫能知

道者山縣西北二十里其上舊有道者寺故名

鳳凰山縣西十八里峯如鳳首而翼翥上多奇花名穿
花鳳山右有堡險可避兵名鳳凰城

虎皮山一名虎牢關

中峯山縣西北二十餘里其頂有淨影池

孤山縣西北三十里

紗帽山縣西北三十里

三角山縣北四里山上有城最平漫一名平頂峪

羅漢山在五峯前

桃花山縣北五里山上有洞其下石壁有泉湧出亦名

桃源

饅頭山縣北四里東有千佛影西對板石山元人張勗

題曰蓬萊第一關往來諸山所必由也

白石山縣北四里

香山縣北八里

藥局山縣北三里秀石錯峙傳有異人採藥於此

駕鰲山縣西北八里

黑石山縣北十二里

筆峯山縣北八里直插雲端亦曰尖山

板石山山石如板利用

西山縣西二里石壁有湘子影

磨塏山縣西三里其石可材

龜蓋山縣西三里壁有仙人影

牛耳山在書院山西

駱駝山縣西四十里

午山縣西五里

衡山縣西北十里

石門山縣西五里兩山相峙故名

卧牛山縣西北二里

白廟山

楸皮山縣北三里

東山縣東二里一名圍山有圍石南向有石佛影

野湖山縣東四里

兩山縣東八里以路旁兩石名也有廟

行虎山縣東北十里狀如行虎

樵夫山縣東十二里其山孤立山畔兩石窟可容數百人

法寶山

聯峯山縣北二十里左右巖十餘里一曰海眼山接撫寧界

安山縣西三十里山有避兵堡飲馬河經其下

團山縣西五十里

龍山縣西六十五里上有塔下有蓮池百畝今改爲靜

安社去山十里

武山一曰五山縣西七十五里絕頂四顧邊城在目有遺壘跡

駐蹕山縣西七十里相傳唐太宗駐蹕於此

郭造卿曰按史帝自命名者在遼東安市城著作

佐郎敬璠謂鑾輿不復東是矣帝征高麗至孟冬

班師聞太子奉迎從飛騎馳入渝關太子迎于道

左相見爲歡因在道左登功紀德耳未嘗游幸至

海隅茲駐蹕之名或魏文成改樂遊山築壇紀行

於海濱而誤爲唐太宗平

書院山縣西四十五里兩崗合抱環列石屏屏下朝陽
洞覆石如厦一小井深不滿尺鉗入石屏冬夏不竭
井西大石壁立鐫夷齊讀書處五字苔痕剝蝕摩挲
可讀

長山

墳山縣西五十里

茶葉山在書院山東

荆山

拉虎山以上二山在書院山北又東南二峯下側灤河
其後孤石直立即一柱峯也

西五峯縣北十二里峯如筆架秀絕恒蹊

東五峯縣北十二里一名錦繡一名飛來一名挂月一
名平斗一名望海縣崖峭拔逾於諸峯上有深洞又
有一峯宛如浮圖名藥師塔

香山峯在寶峯臺左峯後有庵果木繁嘉潭水直噴其
左一里入地五里至龜石橋復出爲地橋乃縣北八
里矣蓋碣石環縣爲辰觀音鋸齒其左右肩五峯筆
峯其左右臂也

達摩峯縣北十二里在五峯後左有石乳垂數尺瀝瀝
然旱不涸冬不冰

歡喜嶺在仙人臺東登仙頂者至此如出中霄稍可四望故名直南向下亂石交牙俗謂之閬王鼻兩山夾峽翳不見日長谿路滑漫湛陰陰

鋸齒崖縣北十五里

水岩縣北八里有寺林木繁茂蘋果最佳

上水崖縣北十五里在果老院北

黑鷹峪縣北十里兩山壁立

柳峪縣北十里

紫草峪縣北十里

散坡峪縣北十里

石窟峪縣西七里一名石佛洞

耍兒峪縣西八里

牛兒峪縣西十二里爲昌黎西北境凡一舍餘抵撫寧

界

安樂峪縣西五十里其山東南橫峙北接盧龍西近灤

州

長峪縣西十二里

楸皮峪縣西十里

白廟峪縣北十里

石門峪縣北十五里

水平府志 卷之二
楊文陀在團山

韓仙洞仙臺頂後孤聳可栖

山心洞在龍潭下百步洞下有巨石大如夏屋石底有
穴可容百人其西面有大字如斗曰獨立不懼南面
有字大如盃其文曰金大定乙未歲北平牧高侯貳
車王公同遊道者山明日登聖居岩已而窮幽絕勝
磅礴嘯歌不減唐晉名流賓從請磨崖以記顧謂客
王密書之時四月初吉也

劉九洞在西五峯前舊有石壁如洞形俗傳若要洞門
開還得劉九來范督師因與已小字相符遂鑿開改

名范公洞

拴馬洞水洞皆在尖山

石佛洞在石窟峪深二丈中有羅漢像元時有僧修煉
於此山頂有一方石廣二尺長五尺名曰玉硯池

閣黎洞一名臨河洞在武山西崖壁千仞巔分八字洞
在其腰前逼深潭由小徑匍匐入頗昏黑穿而直上
丈餘四壁有隙如牖爽塏可容二百人其深不測小
者十餘穴有曰金鼇洞曰水洞曰織羅洞者自遼金
來居民避兵於此

石窟洞縣東懸崖上可容千人

卷之二
觀音洞在虎牢關東

飛蓋石在羅漢山頂形如僧包一名頂包石

縣志作五峯山頂

觀瀾石五峯之上可望大海

圍石在東山圍圓數丈推之則動人不能移

浩然臺在龍潭山畔

慰心臺在桃花山畔

寶峰臺在仙臺山麓有寺昔有井七十二今存十數井

花木森然

急流河縣西門外源出龍潭水崑至縣西南入飲馬河
又名西沙河

按此卽山海經繩水漢書志編水也舊志云蔡縣
下碣石水亦卽此

飲馬河縣南五里源出盧龍縣境桃花峪自縣城西北
三十五里兩家店入昌黎界經縣西安山下又東流
爲沙河至縣西十八里合深江河又東南至琉璃莊
合虹橋河又東南至團林莊入七里海其支一股由
古河至陳家海口入海

按此卽漢志蔡縣下之賓水

沙河縣東南十里此東沙河也

潮河縣南二十五里源出仙臺頂後由達摩峰頭下張

各莊滙上源諸水以達於七里海一名馬家河

按此卽漢書絜縣下之官水

蒲河縣東南二十五里卽蒲泊也源出海眼夾蓮峰樵夫諸川而下惠民塲東南入海

深江河縣西十八里源出淨影池長峪石窟諸川南流入飲馬河

兩河縣西南八里上流諸水至此合而爲二因名

泉河兩河之西二里源出青溝營至興寧屯爲土橋河由古蛤泊念坨入深江河

繞灣河土名瑤灣河在兩河之南源自西北茶芽山貫

各莊由黃土營墊子里安山崔劉莊入兩河一名安

山河

梭頭灣河土名鎖頭關縣西北三十里源出道者鳳凰諸山合深江河達虹橋河而入飲馬河

虹橋河自安山發源受各莊灤水歸飲馬河入七里海柳河縣北二十五里

套里河縣西南五十里源出龍山過靜安堡下入樂亭甜水河縣南三十里南入七里海

七里海縣東南三十里卽古漠海亦曰七里灘

按七里海縱七里橫十餘里水鹹可作鹽灘自飲

馬河由沙河入七里海海潮淤沙海水遂淡鹽灘
漸淪于水名之爲海其寔褰裳可涉舟楫不通旱
則成灘陰雨過多瀦水爲澤遂成巨浸舊有魚蟹
之利居民賴焉

西五峰泉在文公祠後泉有三水甜美

東五峰泉懸岩有洞深廣數丈中有清泉流出味甚甘
列

洗心泉在縣西北黑鷹峪飛流千尺橫空如練下注爲
潭深三丈許又書院山寺後有洗心泉

海眼泉聯峯山上有石洞水澄澈潮汐應候

桃源泉桃花山石壁湧出

甯泉海月亭左石孔中湧出冬夏不竭飲之甘美

溫泉縣西關玉皇廟前平地湧出隆冬不冰

瀑布泉仙臺山畔西岸有忠孝節義四大字嘉靖間邑
令王世業書

蓮花池一在城西龍王廟一在靜安堡

玉硯池石佛洞上池水冬夏不竭深可二尺許

又筆峯山有玉

硯池

靜影池孤山之上昔有異人幻影于此下流入深江河
天池在上水富休糧寺冬夏不涸

翼宮井大成殿西水甘美亞干塔下井

學前井文廟照壁前水亦甘美

塔下井源影寺內水如石髓味甘美

龍潭仙臺山畔有石磴一百一級

隆慶三年為龍所毀僅存其半

以達

于洞洞在絕壁高可丈餘深三丈許在洞中寬丈許

深丈許自石壁流出時有雲氣禱雨立應

以上昌黎縣

祥雲島縣西南四十里在溟海內晨光烘日常繞祥雲

縣志云人傳中有李斯碑

李家島在溟海內祥雲島之西李姓舊居于此

桑坨島在溟海內李家島之西多桑樹

黃島縣西南三十里

茅坨縣南三十里

黃家坨縣西南二十里

明福坨縣西北十里今塌

舊鎮坨縣東北三里

葫蘆坨縣北二十五里

景家坨縣北五里

月坨縣西南五十里在溟海內形如半月地廣十餘頃

草木繁植雉兔充斥民取利焉

石曰坨一名十九坨縣西南四十里在溟海內灤淤沙所積也廣數十頃中爲古漕運市店

按北方坨地涸瀦不常自規利者有坨涸卽以成田由是陵谷遷變不可復識惟月與石曰二坨在海中爲樂邑勝境云

溟海縣南四十五里東接昌黎西抵灤州延廣一百一十里中有島三坨二店二曰曹北店曹母店

灤河自岳婆沙港入縣界分爲二曰葫蘆河在縣東北三十里今淤曰汀流河在縣西北三十里由縣西南劉家墩至清河口入海

清河舊名青河源出灤州自小兒營入縣境又九里至

小河沿合灤河入海其西派由龍臺寺西南經破橋合沂河古董河西南至蠶沙口入海

此非遷安口外之清河詳見灤

州

戴家河俗名代家河縣西北六里

賈家河縣西十五里

苑家河縣西南六里

董家河縣西南八里

杜家河縣東十七里

三岔口河縣西南九里以上皆灤之支流

舊志有宋家河無苑家河

三岔口河
今從縣志

沙城社河縣東北二十里

龐家河縣東北五里

中淀河縣東十二里

韭菜河縣東南三十五里以上皆東灤河支流

介馬河縣西北二十七里

狼河縣西八里

新寨河縣西南二十五里以上皆清河支流

于家河縣東南二十五里

湯家河縣東南二十五里

圍子河縣西南十五里

高密河一作高糜河縣西南三十八里以上皆海支港

各河俱係小溝夏秋水盛乃通河身寬大者不過尋

丈耳

蕭家灣縣北四里

栗家灣縣西八里

舊志有翟家灣無栗家灣灣皆滯而不流

四溝港縣東南十五里四邊皆水中有高阜秀麗可掬

綠洋在溟海內海水青黑而灤河清碧入海數十里不

混宛如長帶土人亦名強河其中蠓房積如山

孝子泉在縣西七里松林莊以孝子劉文煥名外左右

二齋而爲瀲爲沟

以上樂亭縣

角山縣北六里山自居庸古北喜峰諸山而東延亘千餘里至是聳峙面海而長城枕之控畿甸界遼瀋雙峯宛如角立山北直抵沙漠層巒彌望郡之鎮山也後角山去角山北十九里高並角山前後相望

狼窩山縣北十里

洞山縣北十里在首山西當兩角之衝孤峯峭拔懸崖空洞

圍春山自洞山入東五里山形四合若環堵明僉事蕭

顯曾築別墅其中名圍春莊有墨香亭蔭秀亭今廢

首山縣西北十里自北而南此爲諸山之首山有亭名樂壽北攬群山南瞻大海爲邑之勝地

五泉山縣西北十三里山有泉五道北流入石河爲鴨子河

寺兒山縣西北二十里

團雲山亦曰雲蒙山縣西北二十五里四時雲氣變幻

無常

畿輔志
誤爲二

鷹窩山縣西北十五里崖際有石如鷹

瞭角山石門城北里許上結小亭東望角山如在目前

平山縣西北四十五里環石門山皆峽舊志云漢公孫
瓚敗烏桓處

箭苛山一名茶盆山縣西北七十里在葦子峪外邊外
之盤薄於內惟茲山爲大高峯萬仞林壑幽靚上有
無梁殿佛舍

尖山縣西八里下有龍潭深冽

聯峯山一名蓮蓬山縣西南七十里東西二峯相去三
里許渝水自其西入海

孤山縣南六里去海四里下臨潮河屹若砥柱石河自
東入海

金山俗名金山嘴縣南六十里其山如嘴半入於海

三巒山角山之北山多猿猴

攔馬山在圍春山西壁立萬仞馬不能行

玉王山在五泉山東北下有突泉爲沙河之源

畿輔志
作玉旺

峪

平林山距城六十里在黃土嶺西

六羅山距城四十五里產煤在黃土嶺上莊坨

房山石嶺之北高峻可避兵

溥塘山石嶺之北內空洞深十餘丈水渟爲淵

黑山在團雲山之南距城四十里產煤

平頂山距城二十里

窑山距城二十五里

南山距城二十五里

鎚子山距城三十五里

馬鞍山距城三十五里

雞冠山距城五十五里近山各村無蠟

畫皮山距城三十里

白雲山距城五十五里上有福慶寺廟貌宏麗西有玉

皇殿銅像相傳出于神工

大毛山城北八十里

半壁山一名半劈山形如削縣北六十五里在駐操營

北

廟果山距城四十五里在淺水營東北

五峯山距城五十五里在傍水崖

王瓜山距城五十五里

湯泉山縣西六十里有泉冬夏常溫其旁有寺引泉爲

二池浴之可以愈疾

喇叭山距城三十五里產黑礬紅土

團山距城五十五里

烟墩山距城五十里

耕果山在六羅山西石嶺東

石門山在芙蓉山西連崖對峙陽石二河上游中間扼要之區也亦名石門峽

芙蓉山舊名裂頭山其自搗角山東高廣倍出群山而尖頂分三四者爲前芙蓉山其迤東十餘里有七峯相連極東而尖者爲後芙蓉山其前芙蓉山之東卽平山

按以上三山臨榆志俱不載舊志暨畿輔志俱載在撫寧縣下今以方向道里考之似應在臨榆境內

歡喜嶺亦曰悽惶嶺縣東二里許言戍遼者去而悲還而喜也

石嶺距城五十里傍水崖西產煤佳于六羅山

白塔嶺距城四十里石嶺之南黑山之東

馬路嶺距城七十里

雙松岩在角山關北石河經其下

勝水岩在茶盤山西南人至半岩常聞下流水聲其下則無以竹引之于罅名曰勝水

傍水岩縣西五十五里在石門寨西峭壁懸崖外平內

險明隆慶九年戚繼光設伏殲敵於此

蟠桃峪又名蟠道峪縣西北三十五里在鷹窩山西北水峪在芙蓉山之間

老君頂在義院口南距城六十七里上有老君菴菴東丹爐遺蹟猶存

懸陽洞距城二十里在洞山之陽洞頂有穴日光懸照山上跡之莫得其處穴中乳水涓滴不絕下有石如

盆積水其中俗呼穴爲天井石爲地盆

畿輔志作朝陽洞

天然洞距城六十九里洞在板場峪東南內有銅佛像

三

九連洞距城三十五里洞在山半中一環八故名

秦皇島縣西南二十五里在湯河之東入海一里傳爲始皇駐蹕處

說話石在聯峯山東雙峯屹立若人相對語然

駱駝石縣西南六十里高丈有五尺長丈有八尺廣八尺

望夫石縣東八里在海岸姜女墳旁

金雞石在北門外方圓丈餘以石擊之音如雞聲

海自直沽新橋赤洋而東勢漸趨北轉折抵遼境南岸

卽登萊二府界南北相望水光接天明初通海運山

東省錢鈔花布由海給遼城南十里店舍及泊舟遺

跡尚存

澥兒海口縣南十里可漁

石河在縣西舊志在石門之東源出口外龍潭城子峪過大小毛山及柳河諸堡而西爲石門下山海南關外由八里鋪而西入關城右紅花店間自南關入者會之其石叢積褰裳可涉秋潦漲急險不可厲矣

按今石河在西關外自城西回馬寨出山經招練營轉至文殊菴左南流入海

鴨子河縣西北三十五里柳罐峪西有溫泉東南而葦子峪而花場峪與東孛子峪合其源出黑崖子入由

棒槌崖東流凡四十道會於石河此卽水經注清水入九道口而注海也

溫河卽張果老河縣西三十里舊志源出孤石峪溫泉堡裂頭之派也河有二西爲湯河東爲張果老河下流總入於海此卽水經注之方城川及木完水也

按畿輔志載湯河在撫寧縣東北六十里源出湯泉寺山經海陽店南流經秦皇島入海又張果老河亦在縣東湯泉寺之別派也下流合陽河入海潮河在孤山下海潮止此乃石河之下流非昌黎之石河也

南水關河源出關外東北諸山由南水關穿長城入稍
西分流一爲劉家河一爲邊家河俱歸潮河入海
北水關河源出關外由北水關穿長城入經西關南流
入石河

深河源出縣之青石山蘇子峪至撫寧入戴家河口歸
宿於海

帥府河縣西南四里源出趙家亭泉入潮河

劉家河卽南水關分流縣南三里遇潦水入潮河旱則
涸

邊家河卽南水關河分流縣西南三里遇潦水入海旱

則涸

李家堡河源出一片石炕兒峪歸奉天老君屯河入海
大青山水自關外入一片石河自小河口入關西行會
黃土嶺廟山口各川出一片石門至遼東鐵廠堡南
由老君屯東芝蔴灣入海此水經注之高平川水也
其水分九道而下今名九門口

龍潭在尖山下水深不可測相傳舊有龍居今爲砂石
堙塞

老峯潭縣東北隅邊城外水寒冽

黑水池城內積潦所聚色如墨久旱則涸

蓮花池一在城東南咽喉橋之南一在橋北一在海洋

鎮

華家灣池距黃土營二里許冬夏不竭

溫泉在湯泉山前見

石泉二在石碑莊

龍泉在白塔寺莊距城三十五里

煖泉在煖泉莊土山下水性温

雙文井在縣學明倫堂前後二井水俱甘滑

北浦新井在山海路署後圃

八角井在縣署射圃

馮家井在西羅城西羅城諸井皆甘此尤清冽

新井在關外里許味甘

義泉井在西關驛後味甘

新泉井在西關三清觀前味甘

大口井在東羅城水甘美較諸井為勝

艾子井在駐操營北門外味甘美

以上臨榆縣

屯社

盧龍縣 民社七西南二十里曰在城社西南二十五

里曰鳳頭西南三十里曰南堂東北三十五里曰臺

上西北二十七里曰大河南北五十里曰周王莊西
四十里曰赤峯屯四城北三十里曰豐隆西北三
十里曰豐潤西南二十里曰豐稔東二十里曰豐成
灤州民社四十一曰城社其東三十里曰長港西二
十五里曰何家寨四十里曰黃家疇六十里曰孩古
九十里曰義豐百二十里曰松梁南五里曰周南十
里曰法寶二十五里曰于寧三十五里曰李家莊五
十里曰土屋兒六十里曰連清曰倂城一百二十里
曰栢家一曰栢家二曰栢家三北十五里曰橫山營
東南二十里曰催官一曰催官二西南二十里曰古

馬六十里曰榆子林七十里曰赤垓曰花港曰王塚
坨一曰王塚坨二八十里曰北柳河曰狗兒莊曰司
家一曰司家二九十里曰獨莫一曰獨莫二百里曰
康家莊百十里曰姚家莊百二十里曰橋頭曰長春
曰曹家口西北五十里曰宜安八十里曰偏山九十
里曰梅相一曰梅相二屯二十六南九里曰興利
十八里曰長樂二十里曰普利四十里曰富聚五十
里曰風淳六十里曰崇本西二十里曰高平二十五
里曰豐野三十里曰長慶四十里曰平原五十里曰
廣布曰廣益七十里曰嘉祐東南二十五里曰務本

西南三十里曰惇本三十五里曰富莊三十五里曰
嘉真四十里曰豐腴五十里曰永登八十里曰崇道
百里曰乃積百二十里曰餘莊西北十五里曰興慶
九十里曰康莊其新編屯一二里乃散處其地不一
也

遷安縣 民社十四城中曰在城社其北十五里曰黃
北東北四十里曰望都西北二十里曰北平南六十
里曰長嶺七十里曰太平東南十五里曰陶村西南
二十里曰瓜村西二十里曰嵐山五十里曰貫頭山
七十五里曰夾河百二十里曰林河一百八十里曰

林河二百六十里曰林河三 屯三東三十里曰嘉

祥南八十里曰豐膳西北九十里曰豐廩

縣志云康熙中改屯

為社又省軍歸農而以前明官軍屯田之地編為里甲因所居之方別為東西二衛

撫寧縣 民社十二曰城社其南十五里亦曰城社縣

南二十五里曰洋河二十里曰張家莊北七十里曰
宣北一二十五里曰宣北二東三十里曰萬家莊四
十里曰回安曰海洋東北二十里曰宣南西北五十
里曰良仁五十里曰山西 屯五縣西北十二里曰
富贊西二十里曰富饒西南三十里曰興福西北十
五里曰歌歡西五十里曰慶福

昌黎縣 民社十六北曰在城社其東二里曰順德二
十里曰兩山八里曰洋山西二十里曰葛家一十八
里曰葛家二三十里曰安峯三十五里曰劉平五十
里曰靜安八十里曰石門南三十五里曰團林一五
十里曰團林二十七十里曰槐套四十五里曰赤崖六
十里曰沙程七十里曰會東 屯十一東五里曰興
寧西三十里曰歸厚六十里曰延昌二十里曰承受
八里曰安和南三十里曰禧福八十里曰嘉穎北曰
正業二十里曰興善十里曰宜春五里曰康樂
樂亭縣 民社十五城中曰在城社曰二里社城東南

八里曰馮家稍二十三里曰稱坨城東二十里曰沙
城二十五里曰黃瓜口城西八里曰嵩林兒十五里
曰商家堰二十里曰茨榆坨東北十里至七十里曰

臨榆從臨榆撥歸南六里曰千金西南十五里曰白沙峯

城西北二十五里曰醬家河曰尊禮北二十五里曰

胡東 屯九北二里曰富饒西北八里曰富有二十

五里曰美化曰九有東十六里曰禾登西無南十二

里曰時登東北二十五里曰慶寧東南二十里曰力

本西南二十五里曰致順

臨榆縣 民社七城南五里曰天清城北六十里曰地

寧城北四十里曰長治城南六里曰久安城西三十里曰屬國城西五十里曰年有曰豐登

里曰豐登東水二十里曰...

正里曰美少曰武休東十六里曰永登西無南十里

西東 出六里二里曰...

城西亦二十五里曰...

湖餘并湖餘南六里曰千金西南十五里曰白苧

曰南宋歌二十里曰...

城二十五里曰黃瓜口城西八里曰...

八里曰...

財海

